

PROCEEDINGS OF THE FIFTH LEGISLATIVE ASSEMBLY OF
MIZORAM (TWELFTH SESSION)

LIST OF BUSINESS

FOR THIRD SITTING ON THURSDAY, THE 13TH MARCH, 2008
(Time 10:30 AM to 1:00 PM and 2:00 PM to 4:00 PM)

PRESENT

Pu Lalchamliana, Speaker at the Chair, Chief Ministers, Deputy Speaker, 14
Ministers and 23 Members were present.

1. RESUMPTION OF DISCUSSION ON MOTION OF THANKS
(to be concluded)

PRESENTATION OF BUDGET

2. PU ZORAMTHANGA to present to the House :
 - 1) Supplementary Demand for Grants for the year 2007 - 2008
 - 1) Annual Budget for the year 2008 - 2009
 - 3) Supplementary Demands for Grants 2002-2003 and 2003-2004
(Regulation of excess expenditure)

SPEAKER

: “Rorelnaah chuan fel lo takin in rel sak tur a ni lo; mi rethei thlei tur a ni lova, fel takin in thenawm ro i rel sak tur a ni.”

Vawiin ka rorelna ah hian dam lohna avangin Pu K.Lianzuala a lo tel thei lo a ni. Nimina kan rorel kan chhonzawm leh ang a.

Thusawi tur kan sawm hman thu tawite han sawi ka duh a. Khawngaih takin min ngaihthlak sak ka ngen a.

Nimin khan kan hriat theuh angin kan beisei loh thil a lo thleng a. Kan Conference System hi a chhia a. Kan rorel lai kan zo thei lo a ni. Kan Conference System hlui kha a part pawh awm tawh lo a ni a. Tin, a hruì thenkhat kha Thlumpi ten an lo ei avangin thlak a tha ang e ka ti a. Thlak kan rawt a, tichuan, PWD Mechanical Circle - in min tihsak ta a. Digital System tha tak nia kan ngaih kha felhlel lai a awm niawm tak a ni. A Technical thil leh a Electronic lai kha kan hriatthiam ve lo na a, amaherawhchu, hetiang a lonih takah chuan a hminga hotu ber ka nihna angin ka mawhphurhna a ni tih ka pawm thlap a. Amaherawchu, kan Member zahawm tak tak ten hetiang thil hi awm thei a ni tih min hriatthiam pui niin ka hria a, lawmawm ka ti takzet a ni. Vawiinah pawh hian hei phuahchawp deuhin kan ti a. Group Leader te leh kan House Leader - te erawh chu in pekchhawn ngai lovin kan ti thei hram a. Hmaih te pawh kan la nei a ni awm e, khlaiah khan. A dang chu FM Mic kha kan in pe chhawng dawn a ni a. Remchan lohna tam tak Member te kan siam sak che u a. a pawì takzet a. Amaherawhchu, in hriatthiamna sang ber kha ka han ngen a ni.

PU LAL THANHAWLA:

Pu Speaker, khawl thil a ni a, mimal mawha lak chi a ni lova, thiam lohna i neihna awm ka hre lova, a Secretariat pawhin. Kan khawl system kha a fail ve hrim hrim a ni mai a. Chuvangin mawha i lak

bikna chhan tur a awm lova. Mawhphurtu an awm a nih chuan kan zavaia mawh a ni mai a. A system-in min fail hrim hrim a ni. Chuvangin nangma mawh bikah emaw lak tur chi a ni lo tih hi kan ngaihdan a ni tih kan hriattir duh che a ni.

SPEAKER

: A lawmawm kan lawm takzet a ni. Le, Motion of Thanks Governor zahawm tak thusawi chungchanga kan sawi lai kha kan chhonzawm ang a. Nimin khan mi 12 in kan sawi tawh a. Chawhma lamah hian zo ila tiin nimina Legislature Group hrang

hrang hruaitute khan kan rel a ni a. 12 in kan sawi tawh a. Chuti zat vel chuan an la sawi turah ngai ila. Kan hun kan hman that chuan kan zo vel chiah chiah turah ka ngai

a. Nimin khan he lam atang hian Pu Lalthlengliana a phar a. Chu chu sawm hmasa ta ila. A dawt ami khan tikhan kan inkoh apiang kha FM Mic kha kan in pe tawh mai dawn a. Public meeting ah pawh Mic keng chungin kan sawi tawh theih tho kha maw Pu Lalthlengliana i lo sawm ang.

RESUMPTION OF MOTION OF THANKS

PU LALTHLENGLIANA : Pu Speaker, ka lawm e, nimin lamah te a chhiat avangin kan chhonzawm thei lova. Kan Governor thusawi hi sawi ho a nuam hle a. Tin, kan Governor in he House-a a thusawi dante kha a ropui in ka hria a. Thiamlo chung chungin mizo tawngin rei tak thu an sawi te kha a ropui a. Tin, kan Governor hian min hrechiang hle-in ka hria a. March ni 10 a New Delhi chanchinbu lar tak Mail Today-a a thuziak ah khan Mizoram MLA te House chhunga khawsak dante nasa takin a fak a. entawn tlak an nihzia te opposition lam atanga thusawi te pawh Ruling lamin tuman inti-buai lovin an awm thei thina. India rama MP 545 te hi Mizoram-ah rawn kal sela Mizoram ah rawn kal sela Mizoram House rorelna hi rawn zir ve teh se tiin a sawi te kha a ropui a, helai ram mai ni lova India ram pumpuiah India mipuite hriat turin thu a sawi thin a. Ram ralmuang kan nihziate hi a sorkar neitu ka sorkar ti theitu anih angin India chhim tawpah te ram tinah a sawi a ni a. Chutih laiin helaia ralmuanglo angte hian kan han sawilui deuh thin a, a chang chuan Hel khawi angte pawn kan han inpuh hial a. Hel hi lo khawi ta ni sela, kan hel khawite hi an nungchang a tha awm mang e ka ti a. Chu chu kan khawi pawh an nilo, an rawn zin ve te pawh a ni a, intirhe pawh a ni mai thei a. Engpawh nisela, heng hi India Sorkar hian CID te, SIB te engkim a nei a. Mizoram report hi nitin an pe thla a. Hel khawi thin Leader nisela kan House Leader pawh hi Peace Mission atan a takin an ruat loving tih chu thil chiang a ni. Chutihlaia, kan House awmdante a fak em em laiin kan Governor-in helaiah niminah khan Governor Motion kha hei kan zinga mi kan MLA zahawm tak Chawngte lam amiin a rawn move a. helaia House ah hian hnamtin chitinte kan awm a, lehkha thiam deuh te leh thiamlo deuh te pawh kan awm a. Mipui thlan theuh kan ni a, inhmusit tur tumah kan awm lo a ni. Inhmusitna rawngkai ang deuha kan Saitual bialtu MLA zahawm takin a rawn tinek maia kha chu ngaihbel theih deuh vek a ni a. Khami tawngkama kha chu hei House-in an ziak vek a. Engpawh nisela kha kha chu a thalo khawpin ka hria a, mimal khatiang anga sawina kha he House zahawm takah hian awm tawh lose ka duh khawp a ni. A hmusit e ka tilo... hmusit anga ngaihbel theihin thu a sawi a ni. A ziaka pawh kha an ziak vek a, khami tawngkama kha chu a fel lo deuh e tih kan sawi mai a ni.

Engpawh nise, he House zahawm takah hian kan in ngaithla vek a. Nimina Mic a chhiat vel laia, kan Opposition lam thusawi laia lo tawp-te pawh kha pawh kan ti khawp a, a sawi that tehluul nen. Hei Police chungchangah pawh

hian Police te hi engemaw tia rinhlelhna nei ang lek lek te pawh hian, Home-ah a ri thin a. Police ina ralthuam thuam tha tak tak an neih te pawh hi hmun hrana an neih vek a ni a. Crime detection ah te India ramah pakhatna an ni a. Kan duh anga kan thinlunga kan rinzawn anga an chhui loh te pawh a awm palh thei. Amaherawhchu, India ramah pakhatna an ni hial a ni. Police thuam, thuam thar catchment anga an neihte pawh hi, Bullet Proof Car tihte, heng hi VVIP tan te a pawimawh a. Zet Category atan te, entiman, rambuiah Chief Minister-in an kal a, heng te pawh hi India ramim Jet Fighter a neihte pawh hi a hun loah chuan a hmang bik lo. Atomic Bomb an neihte pawh hi a hun lovah an hmang bik lo. Mahse neih a tul a ni. Chutianga an neih a chu kan sawi kan sawi thin te hi a thaloin ka hria a. Heng lectern an tih te pawh hi kan mamawh dawn chauh. VVIP ten thu an sawi dawnin, Pi Sonia Gandhi lokal dawn ngei pawh khan an rawn inchhawp chho a ni. Hetah thusawitu a him theihna turin hmanraw pawimawh tak tak hi a ngai fo a ni. Hetianga kan Police ten hna tha taka an thawh a, huaisen taka Chattisgarh ah te mi 10 chuang lai ram tan an han martar te, Mizoram an ti hmingtha a, a ropui a.

Tam chungchangah te pawh hian thil hi kan sawi lutuk a. Lehlamahchuan khawilaiah emaw hian, leimin chatthlarup awm sela ral lehlam chu tamin mi 30 vel thi sela, in thlanin nang chiah se kan duh dan emawni chu lah tih theih mai tur hian tam chungchangah pawh hian kan ti nasa lutuk deuh hian ka'n hria a. Tunah pawh hianin Quintal nuai hnih zet mai Monsoon Stocking atan a pawisa an pe fel leh vek tawh a ni, kan Sorkarin. Chu chu Mizoram tan, a pawisa pawh pekfel vek tawh a ni. Buhfai chu Central Sorkar a ni a. Central Sorkarin a kan buhfai quintal nuaikhat kan mamawh laia, namen lova min han tihhniam sakte pawh hi a dik tak chuan kan pute titu te chuan tam chungchangah thahnem kan ngai tak tak a nih chuan heng ang te pawh hi Central-ah te pawh an thlenna thu te hi vawi tam dawn tawh awm a ni a. Wawiinniah erawh chuan a reh vang vang mai a. amaherawhchu, helaiah kan bengchheng hle thin te hi a pawi em em a ni. Hei Bairbi Rail Station tih te, thlawhna tumhmun te hengte hi tichhe ta ila, nimin lama kan sawiah khan engtin nge kan awm ang te kan ti a, Bairabi Rail Station te Lengpui Airport te kan ti a ni. P.C. in kan ti ang an ti bawk Congress in an ti bawk. Helaia a titu tak te phei chu lo tih a nih pawhin a tha a. Hemi Bairabi Rail Station phei hi chu Central Sorkar tih a ni a, tender pakhat pawh Mizoram Sorkar khan a chhuah lo a. Khatih hun laia C.M. te leh a Sorkar tih kha a nilo hrim hrim a ni, kan tih hi tichhe dawn ta ila Mizorama kawng kan laih zawng zawng te heng a chhehvela building thar lianpui pui awmte hi a nih leh thiatin kawngte hi tiping leh dawn ila America sorkar rawih a ngai ang, a namai lo lutuk. Heti khawpa development ropui hi Zoram hian a la hmu ngai reng reng lo a ni. Lungrem chimte in sawi vak a, a thi te kha kan khawngaih a, pawu kan ti ngawih ngawih mai a. A bul lawka building nuai 96 chuanga sak thlichhem loh ruah nan lohna chhun pachanga awp rum maite kha. Vety In khati hunlai ami nge? Transport Office luah ngam loh reng reng a building ropui ber mai ding ta ringawt hi tu hunlaia tih nge? a chhelai hi kan insawi sak dawn chuan sawi tur hi a tam lutuk ringawt mai a ni. Amaherawhchu kan sawi ve zen zen lova. Niminah pawh lungrem chim nuai sawmhnih khat khalai kha thlichhem loh ruah

nan loha chhun pachanga nuai 96 chuang man building chim rup mai kha ka'n sawi kai ve mai a nia. In tih han sawi ve hlek hian in rawn ding ang huai huai a. Ka lawm e.

PU H. LIANSAILOVA : Pu Speaker, ka lawm e. Hei tuntum-a kan Budget Session hi a pawimawh leh chhinchhiah tlak tak hun a niin ka hria a. Nimin lama kan ngaihthlak leh kan hriat angin kan term chhunga Budget Session kan neih hnuhnun ber tur a ni a. Tin, chu lovah chuan hei mautam tampui kan tuar a, chumi nghawng ah chuan mipuite leh keimahnia roreltu ho pawh ngaihtuahna tak tak sen a ngai hlein ka hria a.

Tin, India ram economy thang zelah Vision 2020 te an duang chhuak mek a. Tin, Look East Policy kan ram economy a bikin North East te kan that theihna tur scheme lianpui min chhawpchhuah sak mek lai a ni a. Chutih ang hun pawimawh leh dinhmun pawimawha kan awm lai chuan vawiin nia kan rorel pawh hianin thil ngun taka hmathlir kan neihte. Tin, tuna thil tha tawk lo nia kan hria te hi urhsun deuh hleka kan sawina hun chu niawm takah ka ngai a. Chuvangin keimah pawh ka urhsun viauva. Mahse, tawngkam te kan thiam lova, point tam tak rilru a awm zawng zawng kan sawi thei dawn lovin ka hria a. Ka sawi hmasak ber duh chu kan Governor Address-ah hian amah mimal fak leh demna tur thu kan sawi a tul lova. A rawn chhawp chhuah hi Sorkarin a vision leh chumi hmanga mipuite tana tun dinhmuna ding te tana hma a rawn lakna a rawn sawichhuah hi lawmna tur awm laiah te a lawmawm ka tih a, kan in duhthawhna lai chu thinlung leh rilru taka rawngbawlina rilru a kan sawi hi a hun hlein ka hria a. Chutiang rilru chuanin thiam lo takin ka sawi theih chin chin kan sawi ang a.

A hmasa bera ka sawi duh chu nimin lamah khan buhfai FCI atanga Central atanga kan dawn tam leh tlem thua khann indemna lam thu han sawi chhuahte kha a awm a. Kha kha sawi chian deuh thain ka hria a. Ka ngaihdan leh hriat dan mai ni lovin ziaka kan neih atang hian sawi ila a fiah maiin ka ring a. Nikum Budget Session ni 20-a zawhna chhannaah khan Agriculture lamin a kum khata kan buh tharchhuah chu buhfai quintal 754280 a ni tiin kan Minister in min chhang tawh a. F&CS ina kan Minister zahawm takin Pu R.Zirliana zawhna a chhannaah khanin kum khata kan buhfai lakluh mamawh zat chu quintal 998320 (matric tone-in 99832) a ni tiin min hrilh tawh a. Chuti a nih chuan kan Shortfall a kha matric tone singkhat zet zet quintal nuaikhat zet zawt nuaihni pawh tling manglo a ni. Chu chu keimahnih leh keimahnih ah hian harsatna kan in siam chawp a awm ang tih hi ka ring a. Central ah kan report pek ve ve te hi khawi lai level-ah emaw hi chuan lo coordinate anih chuan quintal nuai sarikh chuang chuanin quintal kum khata nuaikua zet, nuai sawm pawh lo ni tase an mamawh chuan kum khata an mamawh hi quintal nuai thum bak a ni lova tih hi chu keini aia fing chuan an chhut chhuah mai ka ring a. Chuvangin, nimina kan inhmialna thua pawh khann indemna thu aiin keimahnih leh keimahnih hi kan innawr hniam a ni lo maw tih kha kan ziaak atang hian a chiangin ka hria a, kan tarlang hmasa duh a.

Pahnihnaah chuan, kan Governor Address-ah nikumah pawh a ni a. Kan rama loneitute hi kan ram mipui zaa sawmsarih an ni a ti a. Chungten nikumah khan an State domestic product, kum khata kan thawh chhuahah hian an contribution-ah an chanvo ve chu za a sawmhnih pariat, sawmthum pawh tlinglo a ni tih min hrialh a. Chutiang anih chuan kan rama mipui za a sawmsarihte dinhmun hi tun mautamah pawh kan buaipui a nia. Kan ram economy siamna tur thu kan ngaihtuahah pawh hian kan kut hnathawktute zaa sawnsarihte dinhmun hi engtiziange ni tih hi vawiina kan ngaihtuah ngai ber a ni. Dik tak chuan kan ramin-a kan thawhchhuah zawng zawng nia chhut 70% khawpuia cheng leh Sorkar hnathawk leh Sorkar belho mi tlemte 25% lek ina an chang vek a ni ta a, chuvangin thingtlanga kan unaute kut hnathawktute dinhmun hi a chhe hle a ni tih hi kan Governor Speech atang pawh hian a chhuichhuah theih mai a. chu chu mautam an han tawk lehngal a. Chuvang chuan waviinniah hian kan ngaihtuahna hianin vision nei takin a sum leh pai lam, a vaibelchhe tela kan sawi lai hian, kan mihringpui kut hnathawktute, tunah hi chuan kan ramah hian kut hnathawktu apiang hi mirethei an ni ta mai a ni. Chu chu kan chiangin ka ring. Helai dinhmun han thlir hian kan Governor speech-a a thusawia hi thlamuanpui tur a awm lo a ni lawm ni, keini chhan ai mahin mipuiin an chhang maiin ka ring a, chulai chu duhtawk mai ila. Tahchuan, tlem han hrilhfiah tur awmin ka ring a. Pakhatnaah chuan, Leilet chungchangah pawh hian kan sum deh hi a na deuh em aw ka ti a. Land Development-ah khan kum khata achievement-a kha hectare 100 chauh, Mizo pa sawiin. Tin, 250 chauh a ni. Mahselangin hei information chanchinbuah te kan han hmun danin Champhaiah ringawt pawh khianin nuai 373, chutiang chuanin Serchhip-ah te pawh Zawlpuihah mai pawh khian khatiang zat thalai kha hman a ni a. Kan hectare khat nawr man man pawh hi a tam lutuk deuh a nih loh chuan hectare 100 chauh kum khata Sorkarpui lamin mipuite intodelhna tur atana sum heti zat lai a hman tawh hnuah achievement kan han neite hi chhuan tur a awm lo hlein ka hria a.

Tin, mautam thu kha han sawi ta ila, mautam tam dona atan hianin 2004 atangin kan lo inbuatsaih tawh a, nimina kan sawichhuah leh kan hotu tam berin a an han sawichhuah khan, ka lo lakkhawm dan chuan a direct hit lo a ni tih kha chu a chiang hlein ka hria a, nuai sang tam tak kan hmannaah, vaibelchhe sang tam tak kan hmannaah khan tam tuarten an la chhawr pha lova. Vaibelchhe sang khat tam zia hi kan hotupa pakhat chuan a chhut a, waviinniah hian naupang pakhat pianghlimin nitin cheng nuaikhat hian paih ngar ngar sela, vaibelchhe sang khat a paih zawt chuan kum 30 a tling ang a ti. Chutiang khawpa tam chu kan hman tawh hnuah waviinniah hian kan ram mipui tam zawk 70% te hi chu mautam lo thleng tur leh tuna tawrh meknaah hian an mangang tih hi chu, insawi thlamuan chi hi chu a niin ka hre lova, a dikin ka hria a, thlamuanna tur thu kan han sawi bera lah kha Central-a kan dil mek kha a niin a lang chauh a ni si a.

Tin, pahnihnaah ka'n sawi leh duh hrama chu kan thalaite aspiration (rualawhna) leh an problem leh an mamawh hi a address loin kan Sorkar vision leh a hmalaknaah hian sawi tur a awm lo hi a pawl ka ti khawp a. Hei

kan thalaite tunlai hian thahnem ngaihna leh ram an veina anmahni pawh an invei vena thu an tlangaupui hi kan thinlung khawih hle selangin a thain ka hria a.

Youth Commission te pawh kan sawina a rei tawh, mahse kan tih dana hi paper work leh engemaw maia tlingtlak kan tum a ang viau a ni. Youth Commission kan tih, kei rilrua awm chu holistic approach a ni tur a ni. Thalaite aspirations, meet tur, presently-a an mamawh meet tur, tin, nakin zela thangthar lo awm leh zel tur tanah pawh hmasawna tling chutiang ngaihtuah chhuak thei Commission chu kan mamawh a, A Sport lam ringawt approach hian kan kal deuh mai a niin ka hria a, induh thawhna a na khawp mai.

A pathumna atana kan sawi leh duh a chuHydel Project-ah hian nikum zawhna kan in chhanna zawng zawngah khan Lamsial te, Maicham te, Serlui 'B' te 2007 December thla hmaah zawh theih tum a ni tih a ni vek a, mahse vawiin ni thleng hian zawh theih tura tarlan a awm ta lova. Tuirial te phei chu kan beidawng fel der niin a lang a, a pawh hle mai. Vision 2020 te tin, Look East Policy thlir-a chumi hmuaka kan awmlaia hetiang che che ringawt mai hmasawna kan khaichho anih hi chuan kan ram dinhmun chu ngaihtuahna thar kan hman a tulin ka hria. Chungte chu hun tawitea ka sawi theih tawk ni maise. Ka lawm e.

PU K.LALRINLIANA : Pu Speaker, ka lawm e. Hei, kan MLA zahawm tak Pu A.B. Chakma in Governor thusawiah hian lawmthu sawina tur a tam a, lawmthu i sawi ang u a tih te, lawmthu sawi a tulna chhante, a tul lohna chhan nia hria te nen kan han sawikhawm a ni a, Pu Speaker, vawiin niah hian Governor thusawi hi a tlangpui thua han en hian lawmthu he House hian kan sawina awm ngawih ngawih a awmin ka hria a. Ka hmaa Member zahawm tak tak ten an rawn sawi tawh ang khan Sorkar hmalakna hrang hrangte kawng hrang hrangin a rawn tarlang a, hmachhawpte pawh a rawn tarlang a, tin rawn tarlan kim loh te pawh tam tak awmin ka hria a. hmachhawpte leh Sorkar hmalakna a rawn tarlan chhunah hian lawmthu sawina tur tam tak awmin ka hria. Sawitu hmasa Member zahawm tak tak ten an sawi tawh atanga han sawi ve ka duh chu :-

Kan State Sorkarin-a Central atanga sum, a bika in neih loh chuan, tih engmah an nei lova, State-in engmah sum in nei love tih te kha nimin khan sawi a awm a. Hei hi mipuite kan in zirtir dan tur niin ka hre lova, Central Sorkar sum tello chuan kan la khawsa theilo a ni tih hi tupawhin kan hrechiang vek a ni. Zoram mipui pawhin kan hrechiangin ka hria. Anihna takah chuan kan State-ah hian tak han la ve dawn ila kan phunchiar ang reng bawk si a, kan dinhmunin a la pha lo bawk nen, thawhchhuah kan la ngah tam lo bawk nen. Chuvang chuan Central Sorkar-a sum kan nawrchhuah theih ang ang kan nawrchhuahah hi chuan lawmthu sawi tlangin in fak tlang ila, chu chuan thathona te pawh mipuiaah leh Sorkarah min pein ka ring a.

Chutiang zawng chuan hma kan lak a thain ka hria. Hei anihna takah chuan nichina kan ngaihthlak tawh ang khanin Mamit bialtu zahawm takin a sawi ang khan Bairabi a kan Rel Station te pawh hi Centralin ama pual liau liau-a a rawn tih a ni tih kha kan ngaithla tawh a, kan C.M. zahawm tak kaihhraina hnuaiiah tih changtlunna tur atan leh a kawng tha zawk, Rel lian zawk lokal theihna tur atan theih tawpin ruahmanna kalpui mek a ni a, tuna meter gauge hi broad gauge-a tihlen mek a ni a. Sairang thlenga Rel kawng kal theihna tur, Central Sorkarin a tum Central Budget Session ah pawh passed a ni a, a bik takin min rawn hria a ni tih kan hre vekin ka ring. Chutiang chu a kalphung a ni, sawi tawh ang khan Airport te pawh a ni tho mai. Look East Policy te pawh a lo la kal ang a, thenawm ram ne-a kanin tlawhpawhna kawng te pawh laih a la ni chho dawn a. Chutiang bawk chuan kan thermal power plant te pawh a la ni zel a, khatiang kha thil kalphung anih avangin kan ram dinhmunah hian State Sorkar chak leh chak lohna hi chu Central atanga sum lakchhuah tam theih leh theih loh dinhmunah a ni. State Sorkara a fa tute Sorkar hnathawk tenen lama kan tan tlan thiama kan hai chhuah thiam kha kan vanneihna tur leh kan thalai te hmakhua kan sial vakna a niin ka hria.

Tin, Governor thusawiah khan Power and Electricity ah kan hmalakna Serlui 'B' Hydel Project reiloteah peihfel theih anih a beisei thu te leh Lamsial leh Maicham - II Hydel Project hmalakna te a rawm sawi a. Tih tak takah chuan kan ramah hian Power hmuhchhuahna kawngah hian Sorkar tawhte hmalak theuh kan en chuan tute pawh kan lo Sorkar tawhna in thlir let ila, P.C. Sorkar lai khan Bairabi khuah kha an sawi lar a, tunthleng hian an khuap ta emaw tih tur khawp hian an la sawi thiam a ni. Amaherawhchu, surveys investigation kha an ti zo thei tawk tawk a ni. Tin, Congress kum 10 a Sorkar chhung khan Serlui 'B' Hydel Project-an khawih a, nuai 500 chuang zet pawisa an hman zawh tawh hnuin an pamtul a, an hlamchhiah a ni. Chutiang chuan Tuirial Hydel Project te pawh Pu Speaker, khawngaih takin Member zahawm tak takin-a mi thusawi lai tihbuai tum reng thin hi a tha ber lova, lo ngawi thei se, thudik kan sawi mai a nia. Tuirial te kha hmalak nachin an nei ang a, amaherawhchu, Central Sorkar hmalakna bik a ni tumah inchhuang tur an awm lo. Vawiiinnia kan Chief Minister zahawm tak kaihhraina hnuaiiah hian, dik tak chuan Power a kan harsatna hriain Bairabi-ah Thermal Power Plant Megha Watt 20 chuang pechhuak thei, tunah kuan kan nei a, kan hman tangkai hle a ni, tlemin a senso tam deuh mahse kan hman tangkai a ni. Tin, nikum Budget Session-a kan ngaihthlak tawh ang khanin kan Power te pawh hi kan hralh ve bawk a nia. Chutiang chuan Hydel Project hmalakna ah pawh Serlui 'B' Hydel Project hi a takin kan hmu a, hmalak a ni. 1997 a pamtul tawh kha hmalak leh tura tih niin tunah hian June, July thla bawr velah zawh hman tum a ni a. Hydel Project Mizorama kan neih len ber tur a ni, hmalakna pawh hi peih fel tep tawh a ni. Tunah pawh hmasawna chu hmuh theih a ni. Chuvang chuan Power and electricity chungchang party dang inchhuang thei an awm lo hmala nasa ber chu M.N.F. Sorkar hi kan ni tlat a ni. Party dangte hian min sawisel theilo niin ka hria a. Sorkarna lo chelh tawh te pawh hian sawi theih an neiin ka hrelo. Chutiang chuan i ti ang u, survey and investigation tihtir ila, hei hi khuah tlak a ni em tih enchhin chu kan ti thei theuh mai, a tak tak a hmalakna ah hian kan ngaihtuah chian a ngaiin ka hria. Pu Speaker, hetah hian mipui te hi thudik hrilh ila, tih kha kan sawi lang duh a.

Tin, hei, Home Department ah hian miin tawhsual a tawh palh a a chhui lai mek an chhui zawh hma a, rinthu lo in sawisiak te hi kan ramah hian kan ching a, heng hi tunhma atangin kan ching thin, kan bansan a tulin ka hria. A chhui thiam te, kan mithiam ten hmanraw changkang tak tak te an nei tawh a. Chutiang hmang chuan an chhui chhuah hi nghak thiam ila, a puituah pawh mipui te leh Politician te pawh hi tang thiam ila kan ramah thil tha pawh a chhuah zawk ang kan rinthu mai mai a mipuite media te hmanga hruaikawi tum lovin a nihna tak tak chhuichhuak thei tura tan la thei turin kan police te hi puitlang ila tih hi kan sawi duh a, a nih loh chuan kan ramah hian thil tha kan nei lovang. Miten a titu nilo in dem palh te pawh hi thil awm theih a nih avangin thudik in zirtir a hun tawh. Kan Governor thusawiah khan tun kumah kan crime rate 6 percent-in a tlahniam tihte kan ngaithla a. Chuvang chuan kan hnathawh hi a tha tawh a ni tih hi a lang Chiang a, a tha lehzuala result kan neih theih nan tan kan lak a ngai a ni.

Tin, Pu Speaker, kan sawi leh duh pakhat chu tam chungchangah kan Supply Department leh a mawhphurtu tak tak ten hna nasa takin an thawk niin ka hria a, State level-a Committee te, District level a Committee te pawh hian hma an theih ang tawh tawkin an la a, tin mi inephal, mi hausa deuh leh hausa lo te pawh a tul ang angin tam te tanpui turin hma an la ve bawkin ka hria a. Kan Sorkar pawhin hma nasa takin a la a, hei tunah pawh hian fur ruahtui tlak hun atan buhfai quintal nuai hnih chuang aman pek fel vek tawh a ni tih kan hria a ni. Tin, kan mamawh hrim hrim hi thlatinin quintal 16400 bawr vel niin a lang a. Chu chu tun March thla thleng hian pawisa pek fel a ni tawh niin ka hria, tunah hian phurh mek a ni... Nichina kan ngaihthlak ang khan March ni 7 leh ni 11 inkarah Lawngtlai Kudamah quintal 8500 chuang dah thlen tawh a ni a. Chutah Saiha - ah quintal 1800 vel te nimin atang khan phurh phei tawh a ni tih kan hria a, a nihna takah chuan buhfai hi... Khulaia kan leinaah quintal ah Rs.1400 chuang a nih lain mipuiah Rs.950 in pek a ni a, hemi avang hian thlatin crore 2 leh a chance velin Sorkar hi a hek a ni, mipui tan hian a thlawnin thlatin crore 2 leh a chanve a seng a ni tih hi mipuite pawh hian an hriat a tha a ni. Sum harsatna tam tak karah mipuiten man man zawka buhfai an lei theihna turin Sorkarin nasa takin hma a la a ni, tih kha Pu Speaker, kan sawi duh a.

Tin, Education Department ah kan Governor ina nimin a a sawi ang khan 88 percent vel ziak leh chhiar thiam kan ni a, pakhatna kan nih kha, India today ah pawh a lang a ni. Khami kha India Today ah chauh lo pawh a lang a ni... chu kan sawi duh a. I.A.P.P.D. training a kan zuk kal tum khan Committee-ah pawh min lo hrilh a, document pawh kan nei a, hmeichhia bik ah phei chuan ziak leh chhiat thiamah 86% kan nih avangin naupiang an dam tha a, nutrition leh vaccine te kan pe tha a, ziak leh chhiar thiam kan tamna hi kan that phah a ni, hei hian Mizote dinhmun zel tur a hril thain ka hria.

Mizoramah, in literary percentage, a san avang hian in ziaawm chho a ni an ti a ni. Tunah hian in mark a tha chho a ni tiin min hrilh bawk. Chu chu Pu Speaker, han sawilan kha a thain ka hria a ni. Document dang a awm lo. India today chauh a ni tih kha a dik lo a ni. Pu A.B. Chakma ina kan Governor thusawi, lawmthu sawina Motion a rawn putluh hi ka thlawp a. Pass ngei ila tih kha ka'n ngen a ni e. Ka lawm e.

SPEAKER : Pu H.Lalsangzuala, dawtah Pu H.Vanlalthaliana.

PU H.LALSANGZUALA : Pu Speaker, ka lawm e. awle, nimirah kan Governor's Address ropui tak mai a chhiarchhuah kan ngaitlha a. Kei chu chhiar chhuah ka ti mai a. Amahin uluk taka kan ram development en a, a ziaak ni tase, tam tak kha chu ropui tak tak awm mahsela, a thente kha chu kan Governor, kan Mizoram a lal ber ina a sawi atan chuan a nep deuh hret mang e aw ka ti a. A engpawh nisela, tam takah a thu rawn sawi chhuah te pawh kha a ropui viau a. Mahselangin, a tak tak ngaihtuah chuan tunah hian a sawi a sawi mai leh a tak rawn thleng lo thil hi kan rawnin a buaipui a hun tawh lovin ka hria a. Kan Sorkar ding lai pawhin leh hei inthlang mai tur kan ni a. Kan Sorkar leh lo kal tur pawhin uluk taka kan ngaihtuah hi chu a ngai ka ti a. Tunah kan ram tam, Mautam tam mai pawh nilovin, kan ram hi a rum tawh a. Tun dinhmuna kan awm laia thu ropui tak tak, thu rangkachak chhiarchhuah a, helaia lawmthu lo sawi hluah hluah mai kha chu kan in enchian deuh hi a tul tawh lawm ni ka ti deuh a ni.

Engpawh nise, a hmasa bera ka'n sawi duh chu Law and Order chungchangah, 'Crime te pawh kha a tlahniam a' a'n ti a, a dik viau mai. Amaherawhchu, kawng lehlamah chuan thil lian tham kan sakhaw Puithiam te hial pawh an thi tawh a ni a. Tin, tualthahna rapthlak tak tak, Office kawtahte thi a chhar tihte, rapthlak tak tak hi a tam a nia. A bik takin ka tan chuan sawi pawh hi a nuam lo. Suangpuilawn Constituency kum 2003 inthlan pawh kha, RTI hmanga pawhin kan Mizoram mipui ten kan Kohhran leh NGO zawng zawng pawhin an hriat ka ring a. Tunah hian man a ni tawh em ? bawhzui a ni tawh em tih hi ka sawi duh a ni. Tunah hei rorelna In zahawm takah kei pawh ka awm ve a. Confidence hloh rum rumin kum 5 chhung ka awm a ni a. Kan bial chhungah pawh hnathawk hlei thei lovin min siam a. Amaherawhchu, kan bial mipui te'n min khawngaihin, min lainat em em tih chu kan hria. Mahse, he rorelna In-ah pawh hian han chet leh khawsak ve pawh hi a hrehawm rum rum, nuam tih loh rum rum chang pawh ka nei thin. Hengah hian, kan House Leader te pawh hian ngun takin min ngaihtuah sak se ka duh a ni.

Tunah hian sual hi thup a, kan tih mualphi loh chuan sual kal zelah hian tun inthlan turah hian anih leh khilaia Agape Centre-a tawngtai kan kohhran hruaitu zawng zawng tawngtai pawh khan engnge ni an an ? Inthlanah hian boruak bawhlhlawh tak tak awm dawnin hriat tlatna a awm zel mai a ni. Chutiang anih si chuan thil reng reng hi, thil diklo hi ti mualpho ngawr ila. Dikna hi tung ding ngam ila thain ka hria. Tunah chuan Justice hian awmzia a awm lo niin ka hria a. Chuvang chuan remna leh muanna, mi ram State tam zawk MP 50 a za rual neite ang kan in tehkhin hi chu a dik lem lo ang a. M.P. 50-100 mal neite nena in tehkhin chu a dik lemlo ang a. MP pakhat duhsaknaa nei ve tawk tawk kan ni a. Population kan la tam lo a. Chungah chuanin thubuai leh engemaw thil rapthlak tak takte pawh a dik tak chuan tam ngaihna a la awm lo a ni. Amaherawhchu, kan ram hi tunah chuan a him tawh lo tih chu a chiang deuh a, Law and Order chungchangah hian, misual manchhuahloh an awm nual tawh a ni.

Tunah hian kan Police-te an tha em em a. India-ah Mizo Police te an chhuanawm a chiang a ni. Amaherawhchu, thil tak tak chhui tur leh tichhuak tur hianin an duh ang hian chetna hi a har a ni lo maw, engnge a chhan leh vang kan ngaihtuah chian, mipuite pawh hian a thain ka hria. Chuvang chuan hengte pawh hi kan Sorkar hian a ngaihtuah chian hi a ngaiin ka hria a. Kristian ram kan inti, kan inchhuang. Amaherawhchu, kawng hrang hrangah kan hlawhchhamna hi a hmasa ber chu a ni tlat a ni. Dan kan kenkawh that a, thil sual kan tih mualpho ngam hi a pawimawhin ka hria a, chu chu Law and Order chungchangah ka'n sawi duh a.

Tin, pakhat leh chu hei kan buaipui vek a, bial tinten, Mautam tam kei pawh kar hmasa, hmasa lam khan ka bialah khaw nga velah mautam tam chungchangah Godown te ka han kal a. Tahchuanin Khawlian khuaah chuanin an lo phur ve lat lat a. Pick up 2/3/ in kan Ministerin a rawn tlawh dawn an ti a. "E, lem an chang dawn a ni maw," ka ti mai a. A dik tak chuan kumin favang bawr chhote khan airdropping hialte pawh ka ngen a ni a. Tunah chuan ka bial chhungah chuan kan tam em a, chanchinbu atangte pawhin inhmuin ka ring a. Mi bial aiin kan tam emaw ka ti a. Thiltih a harsa si. Tunah pawh kan han sawi thin tak na a, a tak tak ram hi engmah a awm thei thin si lo a. Chutah pawh chuan kan Minister hi a kal dawn an ti a, a kal dawn ta lo niin ka hria a. amaherawhchu, Ruling MLA pakhat a kal dawn niin ka hria a. Ani pawh hian kan Godown dinhmun chu a hre chiangin ka ring a. Chutiang chuan tunah pawh hian an dinhmun chu a harsa em em a, kan han kal a. "Quintal 20 min pe rawh?" ti khaw hnihah chuan an awm a ni. Amaherawhchu, keini ang MLA hlawh ringawt chuanin chutiang han sihchhuah maite a harsa a, tan kan rawn la dawn nia tiin tunah pawh kan area development fund hum vete nghahchhanin kan han buaipui ringawt mai a ni a, tam buaipui nan, chung dinhmunah chuan kan ding a. Henglai kara he kan House zahawm taka kan ram hmasawna te, Sorkarin, Central-in theihtrawpin pawisa an rawn chhuah a, tan a han la a, min lainat a, India ram chu tunah hian economy-ah a sang chho a, kan pawisa lakluh pawh a tam ve tur pawh a ni reng a ni. Hetiang dinhmuna kan awm lai chiah a, kan ram hmasawna a tak tak ramah hnathawktute leh

lonei mite 70% bawr hian tunah hian an awmin an rum a ni tih hi kan House zahawm tak pawh hian a hriat a tulin ka hria a ni. Hetiang anih loh chuan nakin lawkah engnge kan dinhmun tur hi ngaihtuah tham a ni.

Tunah buh a lo thara buh, tam an nei lo, hnathawhna tur pawh chawfun tur te neilo chu lo inchhinchhiah ula tiin NGO ah te pawh tuna hnathawhnaa fun tur pawh neilo khawpa neilo chu lo inchhiar vek ula, tiin ka chah nghe nghe a ni a. chutiang ang dinhmunte kan nih nuaih lai kar si a, kan insak that, in lianpui kan sak te, a zar zona awm pha lo chu ka ti lo. Hengahte a lawmawm em em mai a. Amaherawhchu, mi tam zawk, kan Mizoram mipui miretheite, Zokhawpa te dinhmun, tunah indawmkuna an awm lai kara lawmthu lo sawia, dawhkan lo bente hi chu a hunin ka hrelo. Pu Speaker, ngun takin min ngaihtuah sak la, ka duh a ni.

Chuvang chuan tunah hian kan ngaihtuahna hian kan ram dung leh vang hi thleng sela, kan ram roreltute hian, tin tuna roreltute hi rorel leh turte pawh kan ni thei e, chu chu min ngaihtuah sak sela ka duh a. Anih loh pawhin a thlaktu tur, hei Politician, Party hrang hrang kan ramah kan awm a, chungte pawhin kan ngaihtuahna kalphung pangngai anga kan Sorkar Report kan Governor chhiarchhuah tira kut lo ben ringawt mai hi chu a dik ta lo deuh lo maw ? Kan thinlung tak takin kan ram dung leh vanga mi harsate chhanchhuahna tur leh kut hnathawktute kan chhanchhuahna tur atan hian engtingnge ni ang tih hi kan ngaihtuah a tulin ka hria. Engpawh nisela tunah Central atangin pawisa, min lainat a, MPGSY kan tihte, kawng hrang hrangin a rawn kal a, hna pawh an rawn thawk a. Amaherawhchu, hengah hian kan uanna tur thil pawh niin ka hrelo. Central hian hnam hnufual zawkte min lainat a, theih tawpa pawisa a rawn chhuah hian tunah chuan ka bial chhungah pheih chuan a minphui leh zo tawh a ni ringawt mai a, tah chuan agreement-ah te pawh contractor te khan enge an sign tih kha question-ah ka ziaak tel nghe nghe a ni a. Chuvang chuan hengah pawh kan hnathawh hrang hrangah hian Sorkar hian a takin hna kan thawk em, tih leh a tak takah Central-in pawisa min rawn pek ang hian hmanng ila chuan hma kan sawn tur. Amaherawhchu, hma kan lak danah leh pawisa te pawh kan hman danah hian fimkhur te pawh a tul lo maw, tih kha Pu Speaker, kan sawi duh a ni. Ka lawm e.

PU H.VANLALTHALIANA : Pu Speaker, vawiinah kan Governor zahawm tak Thusawia lawmthu sawina kan sawiho a ni a, alawmawm hlein ka hria a. Kan Governor thusawi-ah hian Sorkar hmalak tawhnate, Sorkarin hun lo la kal tur atana ruahman a neihte tarlan a ni thin a. Vawiinniah hian Sorkarin hun kal tawha hmalakna hrang hrang a neihte kan sawiho dawn a ni a. Tuna kan Budget Session hian kil hrang hrang atangin tlema ngaihven a hlawh deuhin ka hria a, a chhan chu mautam tamin min nan kum leh harsatna kan tawh hun lai tak a ni a. Kan Member zahawm tak tak te rilruah pawh a lianin mipuite thlambang huahna pawh a nasa hlein ka hria a.

Chutih rual chuan inthlan kum a lo ni bawk a. Helaiiah hian mipuite tana harsatna sutkian ai maha Political advantage tura hmalakna a awm deuh em aw tihte ka rilruah a lian a, kan han chet dante ka en hian. Chuvang chuan Sorkar anga hma kan lakna leh Sorkar tur anga kan inbuatsaihna-ah hian kan hma lam hun zel atan hian eng angin nge Mizoram mipuite rawng kan bawl dawn, tih hi keimahni leh keimahni kan in zawh pawh hi a thain kan hria a. Tun ang ringawta kan kal anih chuan fuh tawk lo tam tak a awm ka ring.

A hmasa bera kan tarlan duh chu kan Member ten an sawi tam ber BAFFACOS chungchanga Sorkar hmalakna hi tarlan thain ka hria. 2006 kum tawpah hmun engemaw zatah mau a tam tan a, 2007 chu a tam kum dik tak a lo ni a. Chumi avang chuan nasa takin mipui ten kan tuar a, ei tur kan nei lova, heng hun lo thleng thin hi leilung inher dan pangngai kum 48 dana lo thleng thin a ni a, chung harsatna chu hun lo kal tawhte thlirin Mioram Sorkarin engtingge kan lo hmachhawn ang tiin nasa takin a in buatsaih a, tih pawh an tithain ka hria a. BAFFACOS ah hian. Nimina zawhna chhanna a kan hmuh ang khan 2004 Financial Year atangin BAFFACOS sum kan hmang tan a. 2006-2007, 2007-2008 2008-2009 hi mautam avanga kan tawh nasat ber kumte an ni a. Kumin hi a nasat ber kum tur chu a ni a. 2006 ah kan tuar tan tawh a ni. 2004 a Sorkarin pawisa a hmuh khan buhfai lo lei ringawt ta sela, vawiina Member te leh mipuite hian athlak kan tingawt ka ring. Mizoram Sorkar, Chief Minister zahawm tak Pu Zoramthanga kaihhruaiin heng tam hunah hian engtingge tan kan lak theih ang tiin BAFFACOS Scheme siamchhuakin tam huna ei tur kan ngaihtuah theihna turin ruahmanna tam tak a siam a. Hlawhtlin pawh a hlawhtling a ni. Sangha dil siamte, Thingtheihmu chinte leh a dangte tam huna buhfai an lei theihna tura ruahman a siam hi hlawhtling pawh an tam a ni. Buhfai lo lei lawk ngawt ta se, kudam pawh kan nei mumal lova, phurhna tur pawh kan nei mumal lova, 2007 phei chu March atangin ruah a tla a. November thlengin a tla a. Buhfai lo chhek khawl dawn ila, kan kawngte a tha nei miah lo ang kan ni. A harsa em em a ni. Chuvangin, vawiina harsatna kan tawh hi Sorkar anga in pawngpaw dem tur em ni dawn le ka ti deuh a ni. Kan Control phak loh, kan thu nilo, theihtawp kan chhuah pawha tihthat zawk leh harsatnain min nang a. Pawngpaw in demna tur a ni dawn emaw nile. 2004-2005, 2005-2006 thleng khan Sorkarin kudam te sa thain buhfai lo chhekna turte, buhfai awm loh huna pawisa an thawhchhuah theihna tur atante ruahmanna a nei a. Kan zingah pawh ka mit ngeia ka hmuh sangha dil siam hlawhtling tak te an awm a ni. Chuvangin, sorkar ruahmanna hi a tha a ni. 2007 ah chuan a chhiatna nasat ber a lo thleng ta a. Buhfai leina tur thawhchhuah ai chuan buhfai neilo tena inhlawhna an neih a tul tawh zawk tiin Sorkarin July 2007 atangin tam inhlawhna turin buhfai, pawisa a ruahman ta a. 2006 zawk anih phei chuan a inbuatsaih tha hle tih a tarlang a ni. Buhfai ei tur nei lote an inhlawh char char a. Buhfai leh pawisa ruahman a lo ni ta a. Governor thusawia lo lang ang khan nuai 1000 mipui tam inhlawhna turin ruahman a lo nia a. A lawmawm tak zet a ni. Ka hmaa sawitu sawi ang khan Mizoram hian motor kawng tlangdung, Aizawl, Lunglei, Saiha Lawngtlai ai chuan a kilkhawr ho zawng zawng hi a harsa leh a buai kan ni. Hmanni khan kan Minister zuiin Mimbung N. Vanlaiphai ka thleng a. Ka bial hi

Chawngte nen Mizoramah kan chhangchhia a. A harsa ber kan nih ka ring a. Tlabung bial hi ka hmu tam lova. Chungte ka ngaihtuah chuan Sorkar inbuatsaih dan hi a tha tawkin ka hria. A tha lo deuh lai a awm anih chuan MLA te chuan kan bial kan hriatchian vek ka ring a. Sorkarah kawng tha zawk kawhhmuh pawh tulin ka hria. Mipui harsatna tawh mek chhawr zangkhai zawng ni lova, helaia in auhbuai engemaw sawi ai chuan kan bialte'n harsatna an tawh mek hi sawiho a Sorkarin ruahmanna tha zawk a neih theihnaa tura tan lak te pawh tulin ka hria a. Chutiang tur a kan ngaihtuahna te kan sen thain ka hria.

Hmanni khan ka bial ka tlawh a. Tahchuan khaw pakhat V.C.P. chuan, "In khuaah buhfai neilo an awm em ? ka tih chuan, "Nei kan awm lo reng alawm," a ti a. BDO ka hrilh a, tam Committee din turin Sorkarin a ti a. D.C. atangin engtinngge hma inlak, ka ti a. Committee an khua a din theuh turin tih a ni a, an din lo emaw ni a ti a. ,Ei tur an neilo, kawng lo zawng teh u, an inhlawhna turin sorkarin a ngaihtuah dawn alawm,' kan ti a. V.C.P. kha, koin buhfai quintal 3 D.C. in a lo pe a. Kan V.C.P. kha a fel vak bik lova, quintal 3 ah khan quintal khat Lawngtlaiah a dah a, quintal khat an khuaah a dah a. quintal khat chiah kha mipui insem turin a thlen a ni. Kan Emergency Relief Committee Chairman in a duh lo a, kan bial fanna ah pawh, "Man rawh u" a ti a. Kan man ang che, hetiang a mipui harsatna I siam chuan, "Nidangah chuan lo fimkhur rawh, kan Party pawh ni la kan man dawn che a ni mipui tam i ngaihsak loh chuan" ka ti a. "Ka lo fimkhur tawh ang. Committee pawh ka lo ruat tawh ang e," a ti a. BDO leh kan supply hotute pawh ka hrilh a.

Chutiang chuan a hmun/khua atanga kan tih chuan mipuite hian mangan lutuk a, thlaphanna tur a awm dawnin em ni ? Sorkarin pawisa a ruahman tha a, buhfai lakluhna takah duhtusamin chaklo mahse, tam avangin harsa lutuk mipui kan awm loh ka beisei a ni. Chu ruahmanna chu kan governor thusawi-a a rawn lang hi lawmawm ka ti a ni.

Tin, mautam tam avanga harsatna kan tawh ah hian, mautam tuarte tanpui dan tur Mizoram Sorkar a Home Minister hoin Emergency Famine Relief Committee din a ni a. Hetah hian Sorkar chauh ni lovin Legislature Party zawng zawng leh NGO te sawm an ni a. Chumi ruahmanna chuan District levelah Tam Committee dinin Village levelah din a ni bawka. Tuna kan buhfai hmuh hi puitling pakhatah Kg.2 in kan dawng a. Tam kum a ni a, Kgs 3 a sem turin quota tih tum a ni a. Kan buhfai hmuh thla khatah 70,000 qtls. Vel a ni a, 55,000 qtls. A to, (Economic Cost) in a lei belh a, kgs ah Rs. 4.50 ang zel senbelhin buhfai hi mipuiah a man pangngaiin min pe a ni. Hetiang hian mipuitan Sorkar a in sengso a ni. Mipuite tan thlabara tun tam hi hmachhawn a tul lo ang. Inhlawhna a awm a, buhfai an mamawh ang ruahman sak a ni. Hei bakah hian Central Sorkar ruahmannain kan Sorkarin tlem a kan thawh ve tur awmin NREG Scheme a awm bawka, harsa lutuk lova kan dam khawchhuah theihna tur hi a awm a ni.

Chuvangin, tuna kan mautam tamah hian pawngpaw in dem mai lovin kan bial theuhah harsatna kan neihte sukiang tura tan kan lak chuan buaina tur a awm lovin ka hria a ni.

A dawt leha chuan inkal pawhna kawng chungchangah hian, tuna Sorkar thar lakluh ni khan Skylink lamin min interview a, "I bialah enge ti thei dawn la, i duh ber?" min ti a Zirna chungchang ka duh ber a, District Council-in an la a. 'Ka duh ber chu kawngpui tha neih a ni ka ti a. Kawngpui atana Mizoram Sorkar hmalakna hi ropui ka ti thlawt a ni.

March ni 5 khan Aizawl - Lunglei via Thenzawl kawngpui hi hriatchian ka duh avangin ka kal a. An kawng laih dan te, a grate te metal te a tha em em a. Thenzawl - Lunglei lam chu Haulawng piah thlang an zo ti tih tawh a, Thenzawl - Sialsuk inkar 20 Kms formation cutting tih mek a ni a. Hmuifang leh Tachhip pahnih inkar hi tha se, Aizawl-Serchhip - Lunglei kawngpui ai hian Aizawl - Serchhip - Aizawl Thenzawl - Lunglei hi Km. 70 velin a hnai zawk a. Darkar khat vel kan hlep theiin a lang. He kawngpui bakah hian Mizoram mai nilo, India hmarchhak te tana thu lawmawm , Kolodyne Multi Model Transport Mizoram to Setwa (Akyab) Myanmar laih tura ruahmanna lo lang chho hi a ni. Lawngtlai District chhunga khaw hrang hrang te'n an khua paltlang se, an duh a, mahse, kawngpui zau leh lian tak fin anih avangin khua a pal ai khan a grade leh kawngkual tinte ngaih pawimawh a ni a. Mipui pawhin an hrethiam a ni.

Hetianga ruahmanna tha Governor zahawm tak thusawi a lo lang hi a lawmawm a, kan vaiin lungrual takin lawmthu I sawi ang u. Ka lawm e.

PU LALHMINGTHANGA : Pu Speaker, hei kan Governor zahawm tak thusawi hi vawinah hian kan sawi tlang a, ka thlir ve dan ka'n sawi ang a. Tuna kan Sorkar dinglai mek hi a term hnihna tin, a kumah pawh kum 10-na kum a lo ni dawn ta a. uluk taka Zoram hi ngaihtuah a hmangaih taka enkawl ni ta se chuanin engkim zir chian a tuna last Budget Sessionah phei chuan hmalam hun lokal tur atana thiltih tur tin, Zoram mipui mamawh ngei rawn keng chhuak tura an rawn siam te ka beisei a. Democracy Sorkar-ah chuan Sorkar hi mipui te siam a ni a. Tin, a teh leh ltur pawh kha ramdang atangin a awm thei tawh lova, a siamtu vote neitu mipui te ngei khan an teh leh thin a ni. Tichuan, Zoram awmdan hi kum thum kalta vel atanga kan zuk enchian chuan group hrang hrang Sorkar atanga beiseina nei, an sorkar siam atanga an lo tiam tawh atangte, siam leh atang te pawha beiseina nei tam tak an rawn piang ta tuk tuk a, tichuan, chumi lam atanga kan han en chuan tuna kan Sorkar hi a tehtu hrang hrang vote neitute kha an a emaw an fing emaw a tehtu an nih tlat avangin State pawhin mite pawn an teh dawn lova chumi ina an aw rawn chhuah atang chuan an teh tlinglo a ni. Helaia kan Chief Minister House Leader tawngkam thiamna mawi maia mautam chungchang thu-a lo insawi fel fihlim emaw khan awmzia hi a nei tak tak lova,

chutihlai mipui ngaihdan atang zawk khan thil kan thlir a tul a. Tunhnai ah hian Kut Hnathawktu Pawl, pawl lian takin an lungawi loh em em thu an rawn sawi a. Tin, vawiinah hian mautam tam tuar bertu mirethei Poor Federation te chuan chaw ngheiin Sorkar an nawr a. Tin, pawl hrang hrang Sorkar tha duh tuten a thenin PIL hmanga Sorkar khin an tum a, tin, mithiam thangtharte zingah Sorkar duh tawk lohna a lian em em a, chumi rual chuan Politician zawng zawng rinhlelhna a rawn chhuak a, Politician nih pawh hi a hreawm ta ang reng viau a ni. Chutiang ang chuan kan lekhathiam rual te ang te chuan entirnan, doctor pass chhuak tawh hna la hmu lo te kha zawhna ah khan kan zawt a, nimin lamah te khan min han chhang a, Za nufa rual zet te an awm tawh a, tin matric pass chin hna la hmu lo te kha sing hnih chuang zet an lo awm tawh a. Khang khan Sorkar ah hian beiseina an neih hi a thiang a, tin, an nei tur pawh a ni bawk a, amaherawhchu, chungho zawng zawngin an beisei a saptawng takin aspirations kan tih a kha kawng hrang hrang hian tuna kan Sorkar dinglai hian a rawn hnawh khat zo ta lo a. Chuvang chuan hetiang situation-ah hian kan lut mek a ni. Chutih ruala kei ka lo beisei dan chu kan Constitutional Head meuhin-a tuna kan Ruling Party te term hnihna a rawn address hemi Budget Session ah hi chuan khang ang rawn chhanna tur a kha tam kan tawh lai mek te leh tam piah lama ram leh hnam khua leh tui neitu te leh Sorkar neitu ten an beiseina chhanna tur hi Scheme tha deuh a rawn tel ka ring a, amaherawhchu, a nepnawi hle mai a. Chuvang chuanin kan lawm lo e, han tih ngawt pawh chu Constitutional Head thusawi a ni a, amah dinhmun te a zahawm a, lawm loh ngawt pawh kha a fel chiah lo ang a. Maherawhchu, lawmna fankim han hmuhna tur chu a ni awzawng lo a ni tih hi ka thlir dan a ni.

Tin, hei, Mizo te hi sakhua la urhsun deuh mai hnam kan ni a, tin chanchintha te pawh kan la urhsun a, Berampu Convention han siam a ram leh hnam sual thupha chawina ni 40 leh zan 40 chawnghei a han kal tlawng mai te hian thinlung hi a khawih em em lo thei lova. Chutah chuan kan Sorkar te pawh hi in bihchian te pawh hi a tul awm hlein ka hria a, helaia kan State Capital a an han tih mai kha duhtawk lovin, kan Second Capital kan ti mai ang a, Lunglei lamah te an rawn kal phei a, South-ah ni/zan 12 zet an han nei leh kha a ni a. Hetiang situation a kan awm lai hian kan ram thuam thatna tura hi heng kan hotu ropuite thusawiah hi chuan thil thui deuh leh ruangam lian deuh rawn awm awm tak a ni, a awm si lo hi a buaithlak lai ber chu a nia, bei te pawh a dawng rum rum chu a nih hi Pu Speaker.

Tichuan, tuna kan ramin a tawng a harsatna lai ber maiah hian han sawi lut ta ila khang mipui te beidawna lai chhanna kha chu a awm lo e tih kha ka point pakhatna chu a ni ta a. Chumi chhanna tur atan chuan Power Infrastructure lian te an duh a, tin thangthar ten employment lekhathiam/thiamlo ten an hmuh theihna tur atan he kan ram State chungah hian Scheme thar engemaw lian te an beisei a, chumi piah lamah chuan ram pawn lama an hna hmuh theihna tur kawng in hawng te an beisei a, chung ang chu a awm lo reng reng a ni. Tin, kut hnathawktu hei kan Governor-in a sawi ah pawh hian Zoram chu lo neia ei zawng kan ni a, za zela sawmsarih hi chutiang anga ei zawng te chu kan ni a. Mautam tam kha kum li chhunngin Plan Fund kum tin pawisa lo kalin cheng vaibelchhia za leh sawm hnih panga

hman tawh a ni a, a break up pawh kan Chief Minister zahawm tak khan nimirah khan a sawi a. Ka lo belhkhawm a, cheng vaibelchhe za leh sawmhni leh panga a tlin lohna kha nuai li chauh a ni a, khang pheih kha chu, nia, a dik vek kher lo ang e, tih kha a ni a. Mahse, khatiang zat pawisa kan hman tawhna siah khan, wawina kan tam dinhmun kan zuk en hian a target kha a thelh a ni, tih hi pawm tur niin ka hria a, Zoram pawh hian kan pawm niin ka ring, thelh lo niselang chuan Rs. 125 crore kum li chhunga khatianga lo kal tawh khan, tam hi tam buhchangrumah min hruai lutin ka ring a, tunah hian bahra lai leh mipuite chaw nghei au thawm hi a awm lo tur a ni a. Tin, Kohhran hrang hrang te leh NGO hrang hrangte pawhin hetiang anga buaipui khawpa sorkar hlawhchhamna lai hi a awm lo tur a ni. Chuvang chuan, ka rilrua ka chhutdan pheih chuan hemi Rs. 125 crores hian a rawn target chu, heta kan Governor-in a gradual society a ni a, chuvang chuan 70% hi khatiang zawnga ei zawng an ni a tihte kha khamite kha a va vawm thelh ta tlat mai a. khawimaw laiah hruaikawin a awm ta a. Tichuan, chumi 70% chu tunah hian riltamin an thu a, Kohhranin a buaipui a, MHIP in a buaipui a, YMA in a buaipui a, buaipuilo fa pawh an awm tawh lo a ni. Keini kan hlawh atang pawhin engzatnge i pek theih dawn, min ti a. Kan han buaipui ve leh ta a ni a. Chuvang chuan, kan Sorkar hian a hlawtlinna hi ka pawm a ni tih ai khan kan House Leader pawh hian kan hlawhchham a ni, tia mipuia ngaihdam dil kha a tih tur a ni mai dawn lawm ni chu aw, ka ti a ni. Tuna kan mangan dan nena ngaihtuah chuan.

Tin, kan Governor-in a thusawiah hian a rawn sawi pakhat hi, 'My Government has released Rs. 12.93 crores from the State calamity relief fund and national calamity contingency fund for relief of the affected family', a ti a, hei hi thlamuanna tlat a ni lova. Tam kalhmang hi natural calamities a ni phawt a, mahse, natural calamities ah kha chuan a rawn tum ber chu a Act leh Rules atanga kan en pawhin Central Sorkar ami a ni emaw State ami a ni emaw khan, engemaw mihringin kan control theih loh piahlam kha a lo thleng a. Chu chuan hnathawktute hnathawha thil hmuh a ni mai theih thil Buh, Serthlum, Antam a ni mai thei. Khami kha a va tichhe ta a. Chumi a tihchhiat chu a value assessment kha authority concern-in an siam a. Chuta tang chuan calamity fund kha chu compensatory anga pek a ni ta a ni. Chuvang chuan, hei hi tam tanpuina a ni hran lo, tih kan hriat a tha. Kha kha kan buhfai leina atan tea hman kan tum leh hlauh si chuan, sazu in an hnathawh a tihchhiat va compensate-na lai tur kha kan misuse sak leh dawn tih kha a chiang reng mai a ni. Chuvang chuan, helai hi kan Sorkar pawhin bihchiang leh selangin, keimahni State Calamity Relief Fund atangin a ni emaw, National Calamity Contingency Fund atangin a ni emaw, hei hi chu an thil chhe tawh va compensate nan khan hman tur a ni a. Tam mangang leh ei tur neilo chhanchhuahna atan hian chuan State Chief Minister te theuh pawh hian discretionary power an nei a. Finance kha Non-Plan ami a ni emaw han pawh khawm a, khatianga relief a siamna tur leh employment generate na tur kawng zawng khan kan House Leader hianin a thuneihna hi hmang selangin tun dinhmunah hi chuan a dik chiahin ka ring a, khalai kha kan sawi chhuah duh a ni.

Tin, a dawt leha ka'n sawi leh duh chu keini Party hi Power atchilh party kan ni a. MPC chu, Bairabi te hi kan atchilh tlat a, tin, kan ram

lui Pathianin min pek atang hian Hydel potential hi Megawatt 2500 chuang kan rama income siam nan te keimahni kan changkanna atana kan hman tur, kawngtinrengin kan hman tur hi a awm a ni tih hi kan Sorkar lai khan survey in kan fiahfai awn awn a. a detail-a sawina hman a awm tawh lova, Pu Speaker, khawngaih takin min lo ngaithiam langin, hun ka lo bawhchhiat deuh pawhin

Saw Central Water Commission hi Zemabawk kawngthlangah sawn kan Sorkar ve lai khan kan rama khang Hydel Potential hrang hrang ten investigate-a investigation report detail project report te an tih peih hnu chuan Mizoram Sorkar nena Cooperation siama a project take up zel tura a saw saw dah kan ni a, tichuan, Bairabi Hydel Project te kha priority atan kan han hmang a ni. Tunah hian sawta mite sawn Kolodyne Chhimtuipui detail project report te, tin, Tuivai te leh a lian lian a hi chu an siam peih vek tawh a ni. Tuna kan sorkar hi kum 10 na a ral tawh a, hemi chhung hian co-ordination in tih tak tak chuan ti ta selangin tun ang em em hian an dinhmun hi a chhe lovin. Tin, Project lian hi 2/3 chu Joint Venture system emaw anih loh leh keimahni State Project turin emaw chutiang ang chuan thangtharte nghahfak rawn tichhuak tur hian an lak theih tawh ka ring a, mahse, helamah hian ngaihtuahna an seng lo hrim hrim a ni. Hei hian Zoram mipui a ti beidawng a, a paw ka ti em em a, kan Governor thusawi-ah pawh hian chutiang ang chu a rawn lang leh lova, chu chu a beidawn thlak in ka hria a, a paw ka ti khawp mai, mahse, Pu Speaker, minute hnih min pek belh a, ka lawm a, tunah hian a beidawn thlak ka ti a, a nilo zawnga kan duh love tia vote phei chu ka tum lo, mahse, Zoram tana han lawmna em em tur a va vang ve ka ti a ni. Ka lawm e.

PU D.THANGLIANA : Pu Speaker, ka lawm e. Hei vawiinah Chawngte biala kan MLA zahawm tak ina Motion of thanks a putluh hi a pawimawh hlein ka hria a, a thlawp pawh ka rawn thlawp a, lungual taka kan pass ngei pawh thain ka hria a. Kan Governor zahawm tak hi a fakawm hlein ka hria a. Mizoram Sorkar hmalakna hrang hrang chipchiar taka tarlang a a'n sawichhuak dap mai hi a fakawm hlein ka hria a. Tin, Mizo rilru hre rana kan House-ah pawh kan tawng ngeia thu a rawn sawite kha a lawmawm hlein ka hria a. Pu Speaker, vawiinah hian Motion of Thanks anih anga han sawi ka duh a, alawmawm lohna lampang emaw vang emaw lampang kha chu sawi dawn ila, sawi tur tam tak awm thei turah ka ngai a, khawvelah hian tumah famkim kan awm lova, kan thiltih hrim hrim hi a lehlam zawng sawi dawn chuan sawi tur tam tak a awm mahsela, vawiinnia kan Motion pulut tuin a putluh chhan ang hian tawite a points hrang hrang han sawi ka duh chu kan Governor thusawia thil lawmawm tak mai chu Mizoram hi Kristian ram kan ni a, kan crime rate a lo tlahniam ta ringawt mai pawh hi Kristian State tihawm tak a ka ngai a, hei hian Sorkar kalphunga mumal takin dan leh thupek kenkawnhna kawngah te, tin, mipui mimir hrim hrim pawh hian dan leh thupek zawm kawnga ngaihtuahna kan hmang ve ta niin a lang a, kan crime rate a lo tlahniam ta pawh hi thil lawmawm tak niin ka hria a.

Tin, kan Governor hian a rawn sawi kim lo nain helaia a rawn sawiah hian 3rd Battalion I.R. lak chungchang thu a rawn sawi a. I.R. Battalion hi Battalion thum din a ni tawh a, chungah chuan Battalion khata kan Mizo tlangval te vawi khata sang chuang zel lak an ni a, Mizorm Sorkarin kan Mizo nula leh tlangval te hna thawh tur 3000/4000 dawn lai mai he kan Battalion din atanga min han siamsak thei pawh hi thil lawmawm tak a ni a. Hetah hian kan State Sorkar pawhin kan Mizo thalaite lehkhathiam sang lo deuh te pawhin hengah hian chance an neih theihna atan ruahmanna a siam a, a danah khan matric pass chin tih nimahsela, matirc pass lo pawh pawl riat chin te pawh tih nisela, tiin ruahmanna a siam a. Tin, Ex-Servicement ho, Sport lampanga thiam bik tan te, Tin, Rehabilitation, inremna avanga ram sipai lo hawng tan te, tin, Police chhung boral ta tan te, chhawmdawlina tur atana quota a han siam a. Heng hi a tuartu te chhungkua tan hian thil lawmawm tak niin ka hria a. Kan Governor thusawiah hian lawmthu sawi ngei ngeina lai tur ka ngah a ni.

Tin, No. 3-na Red Oil Palm chungchang kan hmu a, hei hi kut hnathawktute kan hmangaih tlang bawk a, kut hnathawktuten an kut hnathawk rahin a rate awmsa hmanga mumal taka an tharchhuah theihna tur thlai hmun ngeinghet a nih avangin kut hnathawktu tam takin he Red Oil Palm District zawng zawng a chin tur a ruahmanna a rawn tarlang hi intodelhna tur atana hmalakna tur pawimawh tak, hetiang Sorkarin ruahmanna an siam chho pawh hi Mizo mipuite tan thil lawmawm tak a ni tih kha vawiinniah hian kan sawi duh a. Kan sawi nasat ber thlai thar chungchanga a rate mumal tak rate awmsa a hralh nisela tih kha kan sawi tam thin a ni a. Vawiinnia kut hnathawktute tana ruahmanna pawimawh tak ziahlan a lo ni ta hi a lawmawm hlein ka hria.

Tin, No. 40-na ah Remna avanga hnam sipai lo hawngte In sakna tur nuai 396 lai mai tihlan a lo ni a, hei keini pawh hi remna avanga hnam sipai lo hawngte zinga mi kan ni a, kan harsatna te min hriatthiampui hlawm a, kan politician hrang hrang ten heng chungchanga min lawmpuina tawngkam te kan dawng a, lawmawm ka ti a, heng hian harsatna kan tawh apianga min lainat thin tute tan pawh khan an rilru hahna te, mi an lainatna avanga rilru hah taka an lo awmna te pawh kha a chhawk zangkhai thei ang tih ka ring a. Kan duhthusam ni hauh lo mahse, sorkarin inrwemna a lo haw te kan in leh lo sakna tur ruahmanna fel tak min siamsak hi lawmawm hlein ka hre bawk a ni.

Tin, No. 13-ah khan Electric Power chungchangah, kan duhthusam chu a ni lo tih kan hria a. Keini bialah khian Maicham Phase - II hi ruahman a ni a. Nichina ka hmaa MLA zahawm takin a sawi ang khan nikum lamah khan peih mai turah kan han beisei deuh a, Nimahsela, khawl leh thildangah harsatna engemaw te a lo la awm a, chung avang chuan an peih hman lova. Hetah hian kumin chhung ngeia peih a nih dan tur thu kan Governor-in a rawn sawichhuak hi a bial ang pawh hian alawmawm hlein ka hria a. Keini bial North Vanlaiphai bial hi Electric Power ah Maicham Phase - I kan nei tawh a. Phase - II hi min tihsak leh pheh chuan electric Power-ah chuan khawpui lampang leh helampang kha kan awt bik dawn lo niin ka hria

a. He Maicham Phase – II thawh lai mek, kumin 2008 a zo thei tura chhawp chhuah an ni hi a bial ang pawhin lawmthu kan sawi duh a.

Tin, No. 20-na ah khan Kolodyne Multi Model Transport Project kha a pawimawh hlein ka hria a. Hei hi thil te thamah kan ngai palh ang tih a hlauhawmin ka hria a. Keini Mizoram tan mai a ni lova. North East zawng zawng tana pawimawh tin, India ram tan pawha inkalphawhna kawng pawimawh tak tur a ni a. Keini Mizoram tan phei chuan Silchar buai avanga kan economic harsatna kan neih ang zawng zawng thin te leh thildanga harsatna kan neihna thin min sutkian sakna tur project pawimawh tak a ni a. Hei hi Mizoram mai ni lovin India rampum tan pawha chhenfakawm project a nih avang hian heng hi thil tenau a ni lova. Kan zavaia tih hlawhtlinna tur atana kan theihna kawng kawnga lungrua taka he House pawh hian hma kan lak tlanna tur pawimawh tak a niin ka hria a. Hetiang thil lawmawm tak ruahmanna rawn tarchhuah a ni ta hi a lawmawm tak zet zet in ka hria a, lawmthu sawi hi ngai ngei turah kei chuan ka ngai a.

Tin, No. 15-naah khan Greater Aizawl Water Supply Scheme Phase – II chungchang te, hawn a nih chungchang thu a rawn sawi a, Department lam te kan han zawt a. Chuta kan han hriat danah chuan Phase – II hi hawn a nih atanga chawhrualin nitin darker 7 vel chhung tui pump a ni a. Phase – II awm hma khan tui hi kar 2 danah vawikhat te pek kan ni thin a. Tunah Phase – II hawn an nihah hian tui hi kartin pek kan han ni thei ta te pawh hi thil lawmawm tak a ni a. Tin, Phase – I a chhiat palh khan tunhma chuan kan tui pump na turah harsatna kan tawh thin a. Chu chuan harsatna min siam sak thin a. Nimahsela, Phase – II hawn a nih hnuah hi chuan harsatna awm lovin min chhawk zangkhai tawh a. Department lamin an sawi dan chuan Phase – II hawn a nih atang hian kan tui hmuh te pawh hi 30% laiin a pung ta niin an sawi nghe nghe a. Tin, chuti mai ni loa Phase – I a kan pek thlen phak theih Ratu bialtu zahawm tak te khua chawlhmun lamah te pawh Phase – II hawn a nih atang hian Luangmual lamah te, Chawlhmun lamah te pawh pek thlak tur niin a lang a. Hei hi thil lawmawm tak niin ka hria a. Lawmthu sawina chiah kan ngai bawh a.

Tin, kawng chungchangah khan NEC atanga hmalakna ah keini bial khawchhak lampangin a kan mamawh bera chu Keitum “Artahkawn” kawng kan ti a, tunah hian kan Chief Minister hmalaknain NEC atangin kawngpui zau tak mai min han laihsak a. Mizorama kawngpui chuan metal a la nilo na a, a tha ber mai awm mang e tihur khawpin vawinniah hian ruahmanna min han siamsak ta te hi alawmawm kan ti tak zet zet a. Kan bial mipui pawh kan lawm a. Kan Sorkar hmanga hma min laksaknaah hian thil lung takin lawmthu kan sawi duh bawh a. Tin, hei kei hi Darlung khawchhuak ka ni a. Tlawng thlang ami khu ka ni a. Darlung kawng leihlawn pawh awm ngai lo hlauhawm taka kan kalna thinah khan tunah hmannah pawh kan zu kal a. Lei tha tak mai dawhsak turin ruahmanna min han siam a, kumin chhunga zo turin ruahmanna min han siamte hi tlangdung mi nihna ang pawhin a lawmawm hlein ka hria a. Kan naupan lai atanga puitling kan lo ni chho tawh a. Chung zawng zawng kan

ngaihtuah chuan hmasawna rahbi pawimawh tak a ni tih ka hria a. Khungah te pawh khuan lawmthu kan sawi duh a.

Chutih ruala kan Sorkar Pu Speaker, han ngen kan duh a chu Tuichang leihlawn a khi keini ah khian kan mamawh khawp mai a. Hei kawngpui tha tak min han siamsak a, kawngpui tha tak kan neih sawn motor lian tak tak te rit tak tak phur-a a kal theihna turin Tuichang lei khi min dawhsak hram turin kan ngen nise. Tin, Pu Speaker, Governor ina a sawiloh lawmthu kan sawi zawk duha chu hei 2008 ah MLA kan inthlang dawn a. Hemi 2008 MLA inthlan turah hian MNF hi engtizia teh lek emawni kan Opposition Party leh Mizoram mipuite hian Sorkar leh turin min han ti tlat mai hi a lawmawm hlein ka hria a. Lawmthu kan sawi tel bawk a ni e. Ka lawm e.

PU LALDUHOMA : Pu Speaker, kan Governor rilru tur hi kan suangtuah sak a, he Sorkarna hnuaiah hian Mizoramah nausen pawh an him tawh lova, Tar pawh an him tawh lova, Pastor Quarter pawh a him tawh lova. He ram hi misualin sualman an hmuh lohna ram leh mitha ten an thatman pawh an tellohna ram, thlaithar hralhtute Police tena an um an umna ram, tunah ngei pawh Sawhthing mai pawh ni lova. Hmarcha thlenga man sang zawka hralh tum chu IR hoin an la man char char na ram a ni tih leh tampui tuar mek ram kan ni tih hi kan Governor hian a hai hauhin ka ring lova. Chutih laia ruahmanna puitling tak chhiarchhuah tur a nei silo hi a han chhiarchhuak thin a, keini Opposition lam hi kan thinrim dawnin a ring lawk a, buaina kan siam a ring ni tur a ni. Amaherawhchu, kan lo insum thei em em mai a, kan siam leh ta si lo kha a lawm em em ta mai a, tihian chanchinbuah alawmthu a rawn chhuah ta hial mai a. Kan Governor hi lawmawm tak pawh a ni. Khatiang dinhmuna kan din laia thu puitling tak chhiarchhuah tur nei lova kumkhat chung khan Mizo tlangval pakhatin Navy a zawm tihvel mai mai an chhiarchhuak tur kha kan thinur a hlau a ni. Kan insumthei ta hlauha hei a lawmthu te a rawn ziaak ta a. Keini pawhin kan lawmpui hnuhnawh ve leh khawp mai

SPEAKER : Khawngaih takin, khami chanchinbu kha chu Session kan tan hma ami a nia.

PU LALDUHOMA : Pu Speaker, Session kan tan hma mi a ni si a, engatinge he Session lo awm tur hi a ziah lawk theih ?

SPEAKER : Session kal tawh a sawi a nih ka ring.

PU LALDUHOMA : Pu Speaker, a kal tawh pawha a lawm a nih chuan tunah phei chuan a lawm lehzualin ka ring hrim hrim. Pu Speaker, awle, kan ngaihven ber leh mipui pawhin an ngaihven ber chu tamna hi engtinge Sorkar hian

min enkawl dawn tih hi a ni lo thei lo rih a. Helaiiah hian kan Sorkar hi a inbuatsaih lo lem em a. Mau atam dawn a, sazu in kan thlai leh buh te a ei chhe teuh dawn tih hre reng chungin kum kha leh chen in buatsaihna nei chungin Crop-insuarance a introduce duh miah lo. Lo introduce tawh nise, tunah hian harsatna kan nei lo tur a ni Kan State sum pawh ni lovin insuarance company sum ringawt pawh a harsa lutuk lovin in siam thei tur kan ni a. Kan tam te te a, kan thlai a chhiat zawh tawh hnuah sawi rik an hlawh leh dawn te a nih pheii chuan alawmawm lam ni lovin a ngeiawm lam a ni dawn hian ka hria a ni.

Tin, he House ah ngei hian mautam chauh nilovin Mizoram pumpuia Serthlum tam chungchangah Resolution ropui tak Pu Speaker, I hoin kan passed tawh a. A bik takin Mamit bial chuan an tuar em em a, an MUP ten nasa takin an verify a, a bu pawh Sorkar buatsaih ang tluk a thain an chhuah a. Hei chen hi hun a kal tawh a, engmah tih a la awm chuang lo. Anmahni chhut dan pheii chuanin mau a tam apiang hian, a tam hmam Serthlum a lo tam hmasa ziah a ni tih hi kan hmuchhuak tawh a ni an ti nghe nghe a ni Chutiang chu a ni a, chungte pawh chu kan ngaihtuah chuang lova. Resolution meuh kan passed tawhna hnuah pawh he sorkar hian kum a vei hnuah engmah a ti chuang lova, a beidawn thlak a ni. Khang ang thilte kha a lawm Governor Speech ah hian kan beisei. Beiseilo thei pawh kan ni hlei nem.

Tin, a leirut a thil thlengah hian zangna dawmna buh leh b al chhia han tihah te pawh a sem danah hian a lungawi thlak loh. Ka bial Sawlengah te ngei pawh in report thlap zingah in 70 an rawn pelo ringawt mai a. Khatiangang zawnga politic khelh nan te a he chhiatna hi kan hmang duh zel a nih chuan a thalo hlein ka ring a.

Tin, buhfai te pawh hi tunah hianin enchian a ngai a. Ratu ah chuan AAY leh BPL buhfai atangin Kg 1 zelah Rs. 1 an cut a ni. Eng dan hmangin nge an cut ? Engnge a awmzia ? An mi leh an sa te hian heitiang thil hi a leirut, a grass root levelah hian engtingge an implement tih te hi he Sorkar hian a ngaihtuah tur a ni. Khawtinah tam Committee a ding tur a ni tih a ni a. Ka zinna tam takah a la ding lo. Chung te chuanin Committee din chuang lovin an duh ang angin Politic khelh nan an hmang a. Dik tak chuanin khawtin ah hian a ruling mi leh sa te zel hi hetiang a pamham leh a tawrhlelh awm hi an ni zel a ni. In buatsaihna a awm lohzia hi kan bamboo link road atang hian a chiangin ka hria a. House Leader ngeiin helaiiah kan ram mau a chhutchhuah dan min hrilh a. A tlawm thei ang bera kan hralh pawhin Mizoram buhfai kum za chung daih leina khawp hi a awm a ni, a ti a nih kha. Chu chu a tam chhiat hmaa hralh duhin a kawng kan lai e an ti a. Mahse, hma deuh a lo laih a hralh tak tak tur a ni a. Tunah hian a tama, a ro zawh tawh hnuah an la lai mek a, engnge awmzia a neih hei hi. Hei hi hriat lawk loh thil Natural Calamity lo thleng ang a ni lova, hman atanga hriat lawk tawh a ni a, inbuatsaih reng reng lova, chhiat tak tak hun leh tam tak tak hun nghah rih tawp mai hi chu hetiang Sorkar hi Zoram hian kan mamawh lo. Vawiinah hian ka lawmna zawk chu, chu sorkar chuan hun

a nei rei tawh lova, chu Sorkarna hnuai Governor thusawi hnuhung ber kan lo thleng ta hi hemi avang hian lawmthu ka sawi zawk a ni. NREGS te nen an sawi pawlh a, hengte hi sawi pawlh reng reng loh ltur a ni. Ni 100 inhlawhna te chu mautam lohna hmunah India ram dangah an hmang vek. Mau hi tam lo tawp mahsela, hengte hi chu a awm reng reng. Hengte leh mautam te hi sawi pawlh chi pawh a ni lo.

Tichuan, hemi BAFFACOS bik sum kan enin mipui 70% te chhawmdawltu tur Supply Department chuan 5.78 crore chauh mai crore 125 atang khan a lo chang a. Chuta tang chuan tam hian kan Sorkar hotute rilru a khawih lohzia chu a chiang hle a. He Department hian BAFFACOS sum hi a chang tam ber tur a ni a sin. Chuvang chuan helaiah hian Department 15/16 vel danga BAFFACOS sum lut reng reng hi a dik takin tam ipteah a lut lova, MNF Worker te leh an duhsak zawngte sum siam nan a lut a ni tih chu phat thu a awm reng reng lo. Kawng laihna te in ti a, in in inpe a, khati zel kha alawm Industry in ti a, in mite in pe zel a, sangha dil in ti a, in Block President sangha dil nei miahlo te pawh in pe zel a, chu chu a ni. Chuvang chuan direct a mipui kan tanpui duh a nih chuan Food and Civil Supply Department ah hian he BAFFACOS sum hi a lut tam ngei ngei tur a ni. Tichuan kan buhfai chu kan lo sawipung thei emaw thei lo emaw engpawh ni rawhse, khamia kan neih belhchhah nan khan tun April - September, October vel thleng thlaruk chhunga buhfai harsa lova kan awm theihna turin he BAFFACOS sum hi helaiah hian dah tam bik ila a dang chu normal a an hnathawhna Budget neisa an ni a, chu chu a ziak belhchhah ringawt a ni. Tam chhung na na na chu adang chu an kal ngaiin kal sela. Helai tam mangang belhchhah nan hian he sum hi hmang ila an ziaawm tur a nia. Chutianga tih khawloh vek a nih tawh hnuah kum engemaw zat chung heng BAFFACOS sum hi Department hrang hranga tam nena inkaihnawihna tak tak nei si lova a luh lai hian. Kudam te pawh an sa alawm. Mahse, kudam an sak kha sakna hun a la tam, tuna kudam awmsa ruak hi kan ngai pawimawh a ni. Kha zawk kha alawm hnawhkhah tur chumi atan chuan la ni rawhse, kan tihna mai a ni e. Chumi hnuah a tawp lama Party hrang hrang leh NGO te tel theihna tur Emergency Committee an din leh hi a lawmawm ka ti tho, din loh ai chuan vawihnih chu meeting an ko ta. Vawi engzatnge an koh dawn enge kan thu neihna tur ka hre chiah lo. Thil a khawloh zawh vek tawh hnuah he Committee hi din a ni a. Tunah pawh hian lo la kal tur kumin kan tam kum tur a nih avangin he Committee hi thuneihna sang tak leh changtlung zawka siam zel hi ni sela, confidence ah in neih tlang ang u. Rulingin duh duh a ti ngawt lovin kan kohhran hruaitu, NGO hruaitu te nena kan thu tlan theihna hmunah hian he tam hi atir atang khan lo khawih ngat ni ilang tun dinmun hi kan lut lo reng reng ang tih hi kei chu ka chiang em em a ni. Tin, Pu Speaker, kan buhfai quota tihlem leh tihpun chungchangah helaia inpuhna awm hi tihchian tha ka ti khawp mai. Thudik hriat a thain ka hria a ni.

A dawt lelah chuan Bharat Nirman hnuai hian hmasawna lian pui pui ruangam tam tak a awm a. Look East Policy te, NE 2020 te, Forland tihte pawh a rei lutuk, kum a liam leh ringawt thin Engatinge hna hi kan thawh loh, Education-ah te, Health ah te Irrigation ah te Power ah te kan sum ngai lovin

Bharat Nirman hnuaiyah a awm a. REC hnuaiyah te pawh. Kan Chief Minister zahawm tak Office ngeiah pawh Consultative Committee kumkhat liam tawh ah khan kan thu a. Chu sum chu hman mai theih awm ang tein kan ngai a. Ka bial khawruk lai eng nei tawh chhuhsak leh khua nei ka nih avangin a bul tan nan pawh min hman sak rawh u tiin ka dil a. Dingdihlipin kan thlir a, engmawh bulb pakhat pawh en belh lovin kum khat a liam ringawt te hi hetiang Sorkar hi eng Sorkar nge maw ni ngai le. Chuvangchuan chhanna ngai hliir mai Tlawng khuah tih te pawh a khuahna tur sum kan zawng mek tih ringawt mai kumtina chhanna ngai kan dawn te hi a nihin a nilo reng reng a. Heng hmasawna lian pui pui te hi lo awm turin kan beisei a ni. Tih ve chhun Bairabi Thermal lah chhit ngam siloh. A pawimawh ber tura kan ngaih Tuirial lah kan House Leader nauvin ni 61 adang bet a, an haw leh daih bawk si a. Engtinge kan tih ang. Khatiang ang thil sawi lova, Scholarship kan la pe chhonzawm zel e tih ang mai mai he House chhunga sawi mai.

Kan Assembly te ngei kan Parliamentary Affairs Department pawhin hmasawna tam tak an nei a, sawi tur tam tak an nei a, an efficient a, fel kan tih teh reng nen. Parliamentary Affairs Department chuan Assembly a ko thin a, a titawp thin tih te mai mai a rawn sawi a, a anglo lutuk deuh hlek a ni, hetiang hi chu. Chuvangin, Pu Speaker, engpawh nise, thil ho te te, ramim harsatna a tawh lai leh thenkhatin kawng an zawh luaia luaia a, chaw te an nghei lai hian chuti chung a la lawm em em thei, la hlim riau thei Sorkar kan nei hi ka lawmpui ve hrim hrim a ni. Ka lawm e.

PU R.KHAWPUITHANGA : Pu Speaker, a chhe zawng thlir ve hrim hrim mai, thenkhat te erawh chu Pathiana lawm ve hrim hrim lungaihna leh tahna karah pawh lawm zel thei mi kan awm a, chutiang chu kan ni a, kan in ang lo khawp mai a, lawm zel thei mi hi kei min vanneihah ka ngai mai a, lawmna chang hre lo te hi, khawvelah hian min vanduai an ni fo thinin ka hria a ni.

Vawiinniah hian kan Governor fel tak mai leh zahawm tak maiin thu a rawn sawite hi a tira kan chhiar thukah chuan, kan ngaihlak tawh ang khan, thenkhat hi chu a te tham mang e aw te pawh kan ti ve deuh a. Amaherawhchu, lei leh van siamtu meuh pawh kha thil te tak te thleng pawh khan van thil a rel kim e; tih kha a la awm a. Chuvang chuan in samzai lam pawh hi chhiar vek a ni asin ni tihte a lo ni nen. Chuvang chuanin a te tak te thleng pawha min hriatpuitu, min hrechiang Governor kan nei hi alawmawm ka ti a, Vawiinah hian lawmawm ka ti

Tin, kan Governor hi Mizoram chhung mai pawh nilo Delhi ah leh hmun danga chanchinbu mitten an kawmnaah pawh helaia a rawn ziaka a uarna lai hi a sawi thin a ni. Kan ngaihlak tawh ang khan.

A hmasa berah hei No.1 ami hi kan sawi duh a. Democracy ah chuan a han sawi ang hian a pawimawh ber mai chu internal security hi a ni a ti a, a dik hle mai. Rambuai lai khan a ninawm hle a, kum 20 lai a aw h si a, mipuiin an ning a nih kha, a dik chiah reng a. Khatiang chiah kha kan dep ram zawng zawngah Tripura, Assam, Manipur pawh a ni. Chumai a ni lova, International Border piah chhak lamah leh a chhim lamah pawh hian a buai deuh vek a ni. Tichuan, buai hian min hual tuau mai niin a lang a. Kha buaina tui puiah khan awm lovin Mizoram chu Island of Peace kan ni e tiin Governor-in thiam takin hmuntinah a kalna apiangah Mizoram Governor hian a sawi thin a ni. Politics buaina bakah Tsunami avanga buainain a chim ram te pawh kha hmu ve turin keini Mizoram chhunga Official te leh Politician te ngei pawh Andaman Island ah thahnem ngaiin a zintir a. A zinte an lawm hle a ni. Chuvangin a thusawiah internal security ngai pawimawha, sawi hmasakah a han nei hi alawmawm hlein ka hria.

Democracy ah ram rorelna a kal tuan theihnan security, remna leh muanna, ram chhung himna hi a pawimawh em em a. Himna a awm loh chuan development a kal thei miah lova, chumi atana kan Chief Minister zahawm tak kaihhruaina hnuaia Mizoram, hei kum nga, kum sawm dawn lai an kal ta maia hi a ropui hle a ni. Kan Governor pawh hi a lawm a, sawi hmasak berah a nei a, a chhuan pawh a chhuangin ka hria. Chuvangin helaiyah hian a han sawiah pawh hian Island of Peace a han ti ngat mai a ni a. Kan chhehvel ram zawng zawng buaina ram nia keini muanna thliarkar kan han ni hi thil ropui tak a ni reng a ni. Chumi atana hmalaknaah chuan Sorkarin kum kalta a a hmalakna zawng zawng kha tha takin, beisei ang takin effectively in a kal a ni a rawn ti a ni, a in ziak danah pawh hian.

Crime rate tlakhniam thu te kan hria a, tin, internal security muanna tha tak mai Mizoram chhunga a awm avang khan ram rorelna pawh a kal tluang a, chhim leh hmarah pawh development a kal tha em em a, kan han sawi tak zawng zawng kawngpui kan laihnaah te pawh tibuitu awm lovin ralmuang takin contractor ten an lai thei a, Engineer ten an enkawl thei a. Chuti anih avang chuan chhim tawpah pawh, Saiha bialtu zahawm takte awmna hmun erawh tlangram te saw a pe duai duai tawh mai a ni, a pavement tunah hian tih leh turin a kal mek a, a piah zawng zawng te pawh saw a ni pheih vek dawn a ni. Khatianga hleih neihna pawh awm chuang lova Central Sorkar atanga sum lokalte State Sorkar nena inrem taka development a kal avang khan kan ram kawngpuite pawh hi a lo that tak em em a, khami avang khan administration pawh a lo kal tha ta a, kha administration lokal tha tak mai kha a pawimawh ta em em mai a ni. A systematic taka a kal theihna tur chuan in kalpawhna tha a ngai a chumiah chuan systematic takin hmar lamah pawh a kal a. Khawthlang lamah pawh chhim lamah pawh a kal a, ram a ralmuang a. Rome ram ang mai khan, development a kal tha a. Hleih neihna awm lovin a kal baw k a, hei lo liam a good governance kan ti dawn lawm ni.

Good governance a awm lohna hmunah chuan an inkap thuai thuai mai a, a buai nuaih mai a, buaina chhumpui a zinga development a kal

thei lova, kan chhehvel ram zawng zawng hi good governance neih lohna ram vek a ni. Mizoramah erawh chuan good governance a kal thei a, systematic takin District Council ah pawh a kal thei a, Hmar lamah Chhinlung Hills Development Council ah pawh a kal thei a. Chuvang chuan chhim lama U.T. diltu zawng zawngte pawh khan an ti ri tawh lo reng reng a ni

Khawthlang lamah pawh buaina leh harsatna a awmin helai internal security a hmalatute kan Home Department in kan Minister chak tak kaihhraina hnuaiah remna leh muanna tha tak security min ven sakna avangin kan Tuikuk Hel hote pawhin khati zawnga an awm ve ang, tih kha a ni tawh zawk a, an chhuak leh ta, an chhuak leh ta, tih lam ni tawh lovin. Hmar lamah pawh chutiang bawkin. Pu Zoramthanga te, Pu Tawnluia te hmalakna hi a tha kan ti a, kan lo chhuak a ni tia Helho an silai nen a an inpek tumte khan kei pawh ka telve a ni.

Chuvang chuan Mizoramah hian Helna in boruak a siam tawh lova, ram kan inpumkhata entirnan Chakma Area te pawh va kal ta ila, tunhma chuan development a that loh avangin lei te pawh a chhe em em a, Motor a han kal dawn pawhin a ngam awm vak lova an tla palh ang tih kha a hlauhawm a ni. Tin, Rest House te pawh a chhe em em a, engkim mai hi a chhe ber emaw tih mai tur a ni. Tunah erawh chuan a danglam ta vek a, kan hria a ni, chu chu anih avangin anni pawh sawn Mizo rilru an rawn pu ta a, Mizotawng lamah pawh hma an sawn tawh hle a ni. Chuvangin tunah hian internal security avangin development a kal tha a, sawi tur a tam hle mai, helam hi chu duhtawk mai ta ila.

Police thuam that an nihzia te pawh Drugs trafficking chungchang khawchhak lam atang lokal dan anih zel dan te pawh kha a ropui a, khang zawng zawng te kha State danga an tih theih loh, kan ram chhunga tih theih nisi hi a ni.

Tin, ka sawi leh duh chu Education hi a ni. Hei hi kan sawi tawh nual a, Education ah khan kan Governor pawh hi alawm ve hle a ni ang a sawi thin a, kan ram hi Mizoram State a hi ziak leh chhiar thiam literacy ah India ramah pakhatna kan lo ni ta a ni tih sawi hi sawi nuam a ti ve hle a ni. Chuti chung chuan a quality lamah kan la tha tawh lo in ti a, mahse, Education Minister zahawm tak hmalaknain Cambridge University atanga mithiamten tunah hian zirtirtu 16000 lai mai District tinah training buatsaih a ni dawn ta a Education Quality hi siam that a ni dawn a, chu chu kan hmalaknaah hian a awm mek a, tunah hian an tan chho dawn a.

Tin, chubakah chuan Sport lamah America lam ami te pawh kha lo kalin hmanni lawkah khan MoU te ropui taka sign a lo ni ta a, khang te pawh kha T.V. ah te pawh kan hmuin kan hriat kha. Chuvangin April thla atang khian naupang zawng zawng te pawh khan hemi training an hmuh theihna tur pawh hian America lam atangin mithiam te an lo kal dawn a, chuvang chuan training an rawn pe dawn a, sawi tur hi a tam em em a, Education ah pawh hian, sawi tur awm manglo leh

thusawina tur awm lo anga kan hmu hi a vanduai thlak kan ti a. Chhiar chiang lehzual ta ila, hun a tlem lutuk a, a pawl hle a.

Khang bakah pawh khan Health lama hmasawna kan neih zozai te hi, entirnan, hei khaw 130 ah Health Sub-Centre han sak tur ringawt te pawh hi a ropui lutukin ka hria. Khaw 130 khan Health Sub-Centre an han nei thar dawn a, tin District 8 ah khan kan Hospital te kha upgrade an ni te kha, Tin, khum 60 vel awm theihna Lunglei te pawh khum 200 tur a te hi hmasawna kha a sang lutuk a ni, chu chu anih avangin kan hmasawna hi a ropui em em a ni. Chuvangchuan lawmthu sawina tur hlir a ni a. Kan Governor zahawm tak hi Motion of Thanks anih ang hian Pu Speaker, I ding leh vei ami te hian lungrual takin hei hi pass thei ila ka duh a, ka han in ngen a ni e. Ka lawm e.

SPEAKER : Opposition Leader kan sawm hmain treasury bench lam atang khan sawi duh in la awm em ? In awm tawh loh chuan, Pu Lal Thanhawla kan sawm ang.

PU LAL THANHAWLA : Pu Speaker, hei kan Budget Session hnunung ber kan thleng ta a. Governor's Address ah hian hei amah ngeiin kan sorkarin a tih tir angin vision document a ti a, mahse han chhiar chian hian vision a awm miah lo hi pawl ka ti a, hun lo la kal zel tur atan hian vision a awm lo a ni.

Tin, democracy ah chuan Pu Speaker, mipui te hi kan hum tur a ni a, kan hlim tur a ni. Vawiinah hian kan him lo nia in ngai hi mipui hi an tam ber niin a lang a, a chhan chu keini tehlu, keini ang duang pawh hi fimkhur rawh u, vengtu te in nei si lova, fimkhur teh u min ti a, min tawngtai saktu hi an thahnem em em a ni. Chu chuan kan him loah an ngai a ni ang tih a rin theih a. Tin, vawiinah hian kan him lo a niin a lang a. Zokhua kan kalna hmun reng rengah hian, a tlangpuiin ei leh bar turah harsatna an tawk a. Tin, thangthar an ni emaw, kuthnathawk mi an ni emaw, pawlthar kan hriat ngai reng reng lohte a lo ding chhuak chho zel a. Heng hi an hlim leh lawm vanga lo dingchhuak nilovin, an beidawn vanga lo dingchhuak an ni chho mek zel a ni. Chutiang chu vawiina kan dinhmun hi a ni a. Chuvangin, Island of Peace tih emaw, State ralmuang ber kan ni tih emaw pawh hi a dikna lai chen chu a awm ang chu. Amaherawhchu, vawiinah chuan, chutiangah chuan a mipuite hian kan inngai ta lo a ni tih hi a lang chiang khawp mai.

Tin, Motion of Thanks anih avang hian tupawhin a alawmawm zwnga sawi tur a ni lo tihte hi chu MLA chin chuan hriat a tha a. Tin, a oppose duh apiang in a oppose theih a ni tihte hi kan hriat a tha a. Tin, good governance an tithe hi inkah rup rup a awm loh avang emaw, khatiang lampang kha

good governance a ni lova. Mipui an him em ? an hlim em ? ei leh bar an hnianghnar em ? an ralmuang em ? an thlamuang em ? tih zawk a kha, development ah an lungawi tawk em ? tih a kha good governance zuk thlirna zawk chu a ni. Chuvangin a pawimawh ber hmasa a chu nichina kan ngaihthlak tawh ang khan Internal Security a ni. Vawiinah hian Pu Speaker, Crime rate a hniam a ni an tih hi awih a chakawm a, tak tak nise kan duh a. Mahse, vawiina Crime incident a tam zia em em atang hian, hei hi chu a dik lo a ni ang tih hi chu mi pangngai chin chuan an hre vek a ni. Chuvangin, chunglam atangin mahni inthat a ni tih tur tih ang deuh khan, crime rate pawh a deap a ni tih tur a ni tih hi order a awm ang tih hi a rin theih mai ka ti. Pu Speaker, tualthahna raphlak tak tak titu chhuichhuah lohte, crime, pawngsual, rape case te, ruk rukte, motor bike bo te, motor, bo te, heng ang zawng zawng hi crime a nih si chuan, crime rate hi a hniam thei lo hrim hrim tih hi a chiangin ka hria a. Chuvangin, he House ah hian kan Governor hi thu dik an sawi tir tur a ni.

Tin, 2003 inthlanah khan ka hmuh ve ngei Pu Speaker, ZRA helhote an che bawnra hle a. A tawk chu a tawk e tih hun kha a awm ta a. Tichuan, Police O.C. hovin D.C. kawt hnai maiah an inluahah khan an zuk hual ta a. Silai nen, incremenating documents te nen man an ni a. Congress vote lo tura Paihte Leader te an an kidnapped tawh hnuah khan chutiang chuan man an ni ta a ni. Chung helho chuan chhuang takin, intitheih takin nangni man theih kan nilo. Chief Minister chhawr kan ni an ti a. Mahse, "hei thil in tih dik loh avangin kan man dawn che u a ni," an tih khan, Ani loh leh mi rawn koksak rawh u," an ti a. Mahse, a ni khan ko phak maiah a lo awm loh avangin, "Chuti a nih chuan MNF Block President te tal rawn ko rawh u," an tih khan Pu KHuangluaia leh Pu Sangtualala an lokal a ni. Anni khan Police ho hnenah khan nasa takin an chhuah an dil a, kan mualpho dawn em mai, tiin, mahse, an chhuah thei bik tawh lo a ni.

Chuan Police Station-a an rawn hruai chhoh khan an Block President Pu Rema kha a lo awm tawh a ni. Chutiang chu a ni a. Chungho chuan case rit tak pawh an nei chuang lo a, an chhuak leh ta mai a. Chu chu khawiah mah phat rual a ni lo a, a taka lo thleng sorkar pawhin an man ve rap rap, mahse, an chhuah leh tak maiate kha an ni. Chutiang chuan hei tunah pawh hian Pu Speaker, kan ramah hian hman zan lawkah helaia mi inthahnate ang te kha, hel leh hel an ni anih pawhin kan ralmuang vak lo a ni tihna a ni.

Tin, ka hriat dan hi a dik ang tih ka ring a. UPF hi hel pawl 7 thenawma mite August 13 2006 ah Chief Minister Bangalow-ah an inhmu khawm a. Tichuan State Guest House August, 15 ah an formulised a, chu chuan UPF an din ta a ni. Chu chuan an thil tumte a tha a nih pawhin, a tha lo a nih pawhin, khatieng khawp kha hel unaute kan ramah an ngampa anih chuan hel (underground) tamna ramah chuan a ralmuan tak tak thei thin lo a ni. Hmanni lawkah khan Chawngtea kal turin Lungleiah ka riak pheih a. Chumi zan chuan tuten emaw Jeletine a bovin an in hlan tur leh hetiang min phone tu leh hmanhmawh thlak taka a agent te khatianga an in phone kha cell phoneah an lo man a. An han che ve vat a, kan naute, meitei hel (underground) anni tih kha chiang taka proved a ni a. Tin, Lunglei khawpuiah chuan society dinin sumdawngin an awm a ni tih kha chiang takin kan hria a ni.

Tin, Gun-running hi kan ramah hian a zalen em em a. Silai a tamna ramah a ralmuang trak tak thei lo ang tih hi ka hlauthawng hle a ni. Hmanni lawkah pawh khawchhak lam atangin engemaw zat a lokal thla a. Zokhawtharah kan Police ten an man ngam tlat lo ka ti. A vanduai thlak khawp mai, kan Police te an that tehlu nen, tichuan, lo hreruten Tlangsam lama hel tura an hriha kha Tlangsama an lo chan khan an man ta a nih kha. Khatiang kha a ni. Chuvangin dandomi titute hi man pawh nise FIR hi kan Police te hian a case azirin an bawhzui ngam tak tak lo tih pawh hi kan hriat a tha khawp mai. Chutiang chu kan ram dinhmun hi Pu Speaker, a ni. Chuvangin a ralmuang lo hle a ngaitu an awm anih pawhin an dik lo hulhual loang tih ka ring a. Ka sawi tawh ang khan Democracy-ah chuan kan ralmuang tlang tur a ni a. Good governance a awm anih chuan, mahse, chutiang kan nih lohzia chu chung zawng zawng atang chuan a lang ta a ni.

Tin, kan ram chhung ngeiah underground unaute, a Hmar leh Hmar unaute pawh an inveh a, an in khawih ta te hi thil vanduai thlak tak a ni a. Heng kan unaute hi zalen leh ralmuang taka khua leh tui tha an nih ve theihna tur atan-a ruahmanna siam zawk hi kan Sorkar tum awm takah kei chuan ka lo ngai a. Tin HNA. te pawh hi keinin lute nge an nih kan hre lova, amaherawhchu, description a awm a ni tih erawh hi chu mi pangngai chin chuan an hre vek mai ka ti. Lungbial atangin a ni emaw, khitah Singlung Hill Development Council atangin a ni emaw. Tin, sawtah Tamu bulah an train a ni, an lo kir leh mek a ni tihte pawh hi Zoram mipui ten kan hre thei tlat a ni Pu Speaker. Chutiang chu kan dinhmun a nih chuan kan ralmuang hle tihna a ni thei ang em ? Tin, heng unaute hi Sinlung Hill Development Council Fund atanga funded an ni tih te hi a vanduai thlak ka ti. Development lamah kan la hnufual telul nen. Chuvangin Pu Speaker,, heng zawng zawng te hi kan Sorkar hian tute pawh hi ralmuang taka kan awm theihna tur atan hma an lak hi kei chuan ka phut a, an tih turah ka ngai a ni. Heng kan unau, hman zana rawn inthat te pawh kha keimahni hnathlak vek an nih ka ring a. Chutiang hote pawh chu ralmuang taka an awm ve hi kan duh a, ralmuang taka kan awm tlan kan duh a, chutiang atan chuan kan Sorkar hi hma la turin ka phut a. Engmah tih theih neilo mah ila kan tanpuinate an mamawh phawt chuan theihpatawp chhuah pawh kan in huam ve a ni. Chutiang chu vawiinah hian Pu Speaker, kan dinhmun a ni.

Tin, underground chungchang kan han sawi hian anni ho hi kan huat vang a ni lo, hmelma angah pawh kan ngai lo. Kan unaute, kan thisen zawmpui te an ni. Tin, underground unaute kan huat ngai loh zia leh kan hmangaiha kan lainat zia chu MNF unaute chungka kan tih danah hian a lang tawh a ni. Chuvangin khatiang bawh kha tih leh theihna dan opportunity chu awm sela kan ramah hian kan zavaiin ralmuang ila, tin inthlanna felfai leh thianghlim, tunhmaa kan neih thin ang hel tello, sum leh paia in leina awm lo, inthlemna awm lo ang chu duhtute, hei MPF an tihte pawh hi keini chuan kan tawngtaina Pathianin a chhanna ah kan pawm mai a, theihpatawpa tanpuia an thusawi pawm kan tum a ni. Amaherawhchu, chutiang tumtute, tumruh deuh mai, Pathian rawn chungka thlarau kaihhruaina dil a inthlanna felfai leh thianghlim, hel tello, sum leh paia inleina leh invauna awm lova kan neih leh theihna

tura thawktute an him ta lova, anmahni inchhung lumah ngei pawh rapthlak taka kut an tuarte hi a vanduai thlak khawp mai. Tichuan Pu Speaker, vawiinah kan ramah hian Crime rate hi a dik anih chuan alawmawm a, mahse, heti chung hian chanchinbu kan chhiar leh nitina kan hmachhawn hi a rapthlak lutuk, a titu a chhuichhuah bawk silo. Chuvangin kan Sorkar hian heng ho hi an chhuichhuak thei lova, an booked theilo anih chuan engatinge state thenawm thenkhata Chief Minister dangten an tih ang hian CBI hi an rawih ve mai loh ? case by case in a rawih ve theih mai alawm. Chu chu State tina an tihdan a ni tlawma lak l tur pawh a ni lo. Thudik kan hailing duh a. Rinawmna, dikna, thianghline nen he ram kan kaihruai duh a nih chuan chung zawng zawngah kan inhnukhniam tur a ni, tih hi kan ngaihdan a ni a.

Chuvangin Pu Speaker, heng tualthahna rapthlak tak tak la chhuichhuah miah lo engemaw zat bawnra tak tak angt e hi chhuichhuah an nih ngei hi he ram mipuite tan hian a thlamuanthlak dawn a, chuvangin CBI te ina case-by case a a naran a an duh duh rawn ti mai lovin kan Sorkar hian ti turin ka phut a ni. Tin, hei kan ngaithla tawh a, tam hi Politics advantage a lakna chi a ni lo tih hi kan zain kan hria a ni. Amaherawhchu, vawiina kan hotute sawi dana kha induthhawnna lampang a ni. Thahnem ngaih vanga jnduthawnna chutiang zawngin kan pawm dawn lova. Politician inchinfelna ringawta kan ngai dawn anih chuan kan mipui riltamte hi an puar ngai dawn lo.

Chuvangin Pu Speaker, kan ngen duh zawka chu vawiinah hian sum leh pai awm zawng zawng te pawh hi hleih neihna leh inthleina tel lovin tam te tan hmangaihna nen, khawngaihna nen lainatna nen kan Sorkar hotute hian hmang se kan duh a. Tin, chutiang zelin anmahni intuamhlawm theihna tur atana thil hrang hrang an thawhchhuah vete, entirman, nichina kan ngaihtlak tawh ang khan sawhthing hralhna te, hmarcha an hralhna te leh thildang dang an hralhna te pawh hi zalen taka tuten emaw monopolised lova, kuthnathawktute hian tun hun maiah hian hralh tir sela chuan vawiinah hian tam takin tam hi an inhhawk dawn a ni.

Tunah khuan Vairengte-ah gate an siam avangin nasa takin harsatna an tawk a, tututen emaw an lo man a, an tibuai a. Chuvang chuan putru thei te chuan Bagha Lailapur an thlen thlak chuan sawhthing pawh Rs.10/- aia tamin an hralh thei a ni. Chuvangin, Pu Speaker, kan kuthnathawktute vawiina kan tam lai hian hmun tam takah tam an awm lai hian chutiang chuan a dawm dan tur hi kan Sorkar hian zalen takin tutute emaw monopolised tir lovin a leiduhte chu rawn kal sela, kan kuthnathawktute chuan anmahni remchan dan ang anga an lo hralh theihna angt e chu an hawn a ngai a ni. Chanchinbu mite hi an dik anih chuan kan Chief Minister zahawm tak hian sum a tam lutuk a, tam hi kan zawngchhang ang tih ka hlau a ni a ti e an ti a. Chanchinbuah hian chutiangte chu a tak tak anih chuan a vanduaithlak ka ti a, tunah tamin mi tam tak an awm laiin hetiang chu inthlamuanna tur chi a ni theiin a lang lo a ni.

Pu Speaker, thildang sawi tur tam tak awm mahselangin kan sawi hman lova. Hemi kan rama mipuite kan ralmuan theihna tur atan,

kan Kohhran hruaitute pawh thil tha duh a rinawm taka hnathawktuten zalenna hnuaiah, ralmuanna hnuaiah an thawh theihna turin chutiayang zawng chuan kawng hi buatsaih turin kan Sorkar hi ka ngen duh a. Hemi a Budget pumpui han thlir hian 'vision document' an han tih hi chu - a lehkhabu pawh hi a khawngaihthlak awm deuhin ka hria a, amaherawhchu, a zawng a zain a chhe lutuk ka ti lo, a khawi lai lai emaw kan dawh ve nek nek te a awm ve khawp mai, hei leh chen Sorkar chuan Central-in sum a pe nasa mai si a, an ti ve tur a ni. Amaherawhchu, tuna an awm danah chuan hei em pawhAirport te pawh a thar tam tak siam an duh a. N.E. ah vawiin thleng hian lo lbuatsaih awm sa pawm zawng te pawh a ri reng reng lo te leh proposal Aizawlah ngei NEC in min rawn thut khum a, Aviation lam ngaihtuah turin. Chungah pawh chuan proposal pangngai pawh lutlo tih kan lo hriat te hian a lungchhiat thlak a ni.

Chuvangin hetiang kawngah pawh hian tan la turin kan duh a, kan sawi tawh ang khan, keini tehluul tihtheih neilo mah ila, kan ram kan hnam tan leh vawiin a kan tluchhe mek hi chhawmdawl chhohna tur atan leh tundinna tur atan hi chuan hawh u, I ngaihtuah tlang teh u tih hi kan inpeih reng a ni tih, he House hi ka hriih duh a ni. Ka lawm e.

SPEAKER : House Leader i lo sawm tawh ang.

PU ZORAMTHANGA CHIEF MINISTER : Pu Speaker, ka lawm e. Hei, kan Governor Address, Motion of Thanks lawmthu i hriih ang u, tih lo lut a chu kan sawi khawm a. Kan Member zahawm tak ten alawmawmna lai an sawi a, duhthawhna laite pawh kan sawi a. A diktawn hlawm em em a. Tam tak pheih chu, hengte chu sawi tlak pawh a ni em ni le, a detail lutuk e, thil tam tak sawiloh awm hi, heng zawng tur hi a ni kan tihte pawh kha, a dikna lai a awm vek tho a.

Governor kha darker khat zet address a neih chung kha a rei viau e kan han ti tak na a, chuti chung pawh chuan sawi kim a har em em a. Chuvangin a ni pawhin a sawi kim hman lo hle a ni tih kha kan hriat tlam ka duh a.

Vawiinah hian kan member te sawi ang khan, kei pawh Governor thusawi ah hian lawmthu sawina tur tam tak a awm a ni 100/100 chuan kan duhthu a sam lo anih pawhin, chulai a chu kan member zahawm tak ten an sawi te nen engemaw han sawi belh leh sawifiah tur lai te han ti ri ve ila.

Pakhatah chuan, thusawi hi Chanchinbu leh thildang a chhuak leh a hi, chuti chuan a ti, han tih tawh chuan, han inpuh zel ila. Vawikhat a ni love tih sawi dawn chuan rei deuh mai chai buai a ngaih thin avangin, tu emaw mi pakhatin chuti chuan mi ti, mi ti suh, in veng tlangdungah, a rilru a buai ta a ni e ti a

ka sawi che chuan sawifel tur chuan I buai hle ang, tih ang deuh khan. hei zawk hi a ni e, tih a han sawi dawn hi chuan a buaithlak khawp mai a. Chuvangin tunah pawh khan, tam zawngchhang tute pawisa a tam lutuk tih te kha chu, mi pangngai sawi vak chi a ni lova. Chanchinbu report a lokal a nih pawhin kha kha zawng kan sawi a ni love tih kha chu mipuitling chin chuan an hriat turah ngai ila.

Chutiang bawkin kum 3 ah chaw ah kan intodelh ang a ti tih te kha, House ah phei chuan hmanah ka chhang tawh a. Hemi leilet siam tih a te kha chuan, keini pawh kan lo tih than tawh a ni a, a buaithlak leh harsat zia. Mizoram intodelhna tur chuan hectare sing 5 sing 7 vel hi kan leh vek loh chuan heng hi a theih loh a ni tih hi, a hmu chiangtu pawh ka ni a. Mahse, a ti alawm, miin an rawn tih tawh chuan, an sawi zel an sawi zel chuan, sawi tak tak anga han awm pawh a awl khawp a. Amaherawhchu, hei chanchinbu te chuanin a dang an sawiah pawh, zu parcel supply te pawhin min sawi a, a aia nasa pawh khan a tam a, kha zawng zawng kha puitling chin chuan kan thliar thiam a ngai e ka'n ti mai a ni.

Awle, kan Governor-in peace chungchang thu a sawi, Law and Order hi tuna a sawi mai nilo hian kan Governor hian Mizoram a fakna hi chanchinbu ah Press hmaah Delhi lamah pawh a lo chhuak thin kan hmu a. Mizoram hi kan duhthusam angin ralmuang lo mahsela, comperatively in State dangte nena han khaikhin chuan ram ralmuang a nihna hi a chhuanawm in sawi nuam a tih thin thu chanchinbu ah pawh tunhma atanga lo chhuak thin a ni tih chu kan hre theuhin ka ring a. Hei hi a ni pawhin sawi nuam a tihna lai tak a ni a. Chu chu heta a address ah pawh hian a rawn sawi nawn leh nghe nghe a ni. Kan Member zahawm tak ten an sawi ang khan Mizoramah chuan ralmuanna a awm a, inthahna te emaw sualnate emaw liantham sawi tur pawh a awm ta lova, ram ralmuang em em a 100% a han sawi tur phei chu a ni hauh loavang tih a chiang a. Tunlai khawvel ah sualnate a complicate/khirhkan a, a pung a, a sang a. Hmanah chuan khawiah emaw inthat pakhat an awm chuan Zoram pumpui a deng chhuak a, tunah erawh chuan chutiang nilovin Mizoram ah nen, India ramah nen, khawvelah nen thihna rapthlak pui pui a lo ltam ta em em a. Chu chu kan hre tlang vek mai a. Chuvangin kan ramah chuan khawvel sualna lo pung zel ltur hi chu kan Bible ina min hrilh angin lo thleng tur a ni tih kan hretlang a. Mizoramah pawh a pung tih meuh mai tih chu kan hria. Amaherawhchu, state dangte nen khaikhinin Mizoram hi kan ralmuang a kan ziaawm a, a lawmawm khawp mai tih a kha Governor in a sawina leh keini pawhin kan sawina a ni a. Chuvangin helai kan sawina a ni a. Chuvangin helai ah hian ram ralmuanna chungchang thua eng ang pawhin sawi ila, ni e, kan duhthusam phei chu a ni hauh loving khawiah emaw thihna te, sualnate chu a awm chho a, kan lu tihaitu a tam em em a ni, nimahsela, kan thenawm state te India ram hmun dangte inkahna te, buaina te heng zawng zawng kan en hian kan Governor in a sawi ang hian Mizoram chu a vannei hle a ni a. Entirnan, thil hote mah nise, Kashmir atangin zirlai an lo kal a, thil danglam bik engnge in hmuh ziak rawh u an tih ah khan an zirlai pakhatin a ziak chu Mizoramah S.P. pakhat motor in a kal ka hmu a, escort rual awm hauh lovin amah leh driver chauh an chuang a, an tlan a, ka thil hmuh mak pawl tak a ni a ti a, keini tan chuan a ho

em em a, chung chu nitina kan hmuh a ni. Amaherawhchu State dang atanga an rawn hmuhah chuan khatiang ringawt pawh kha e khai; an tih tur a lo ni e. Kan ram chu a tlangpui thu chuan min it tur pawh a lo ni e tihna lai a kha ka'n sawi tel duh a ni.

Tin, chuloah hel khawi tih ah hian kan hriat theuh angin Burma lam side ah nen Bangladesh lam side ah nen Tripura nen Manipur lam nen Assam -ah nen insurgency area in min hual vek mai a, chumi karah chuan kan awm avangin kha kha tibuitu awm reng reng lova, ram ralmuang perfect-ah chuan awm rual a ni lo tih kan hria a ni. Amaherawhchu, chuti chung chuan kan thenawm ram te kan en chuan hel awmnain min hual vek chungin hetiang ralmuang taka han awm thei hi chu kan vannei em em mai. Mizoram atanga underground-a chhuak a Zoram kapbuai nasa kha kan awm ve lo hi kan vanneihna a ni. Amaherawhchu, Bangladesh atanga Manipur pana rawn kaltlang te, Burma lam atanga rawn cross te, Assam leh Tripura side atanga rawn cross te rawn dak lut zawk te chu an awm fo thin tih kan hre vek a ni chu chu zep thu pawh a awm lo, amaherawhchu, a tlangpui thuin hetiang ralmuang taka kan la awm thei hi a va ropui em tih hi erawh chu kan Governor in a sawi hi a dik a.

Tin India Sorkar hian he House ah pawh hian ka sawi fo tawh thin a, Prime Minister Vajpayee'n keini a kar remna siam tur a theihtawpa thawk turin min ngen a, theihtawpin a thawh pawh kan thawk a, Zoram pawnah Bangkok leh hmun dangah te nen lam kan kal ve a. sorkar a in thlak a, tuna Congress kaihhruai Sorkar Central a lo din khuan Prime Minister hnenah khatiang khan Sorkar hmasa khan min ti a, hei thil kal laklawh te kan nei a. Amaherawhchu, Sorkar thar ding tur hian in ngaihtuahna hi kan hriat loh chuanin duh ang loh zawng hian hemi inbiakna dawhkan a rawn hruainaah hian hma kan lo la palh ang tih kan hlauva in ngaihtuahna te pawh hi hriat kan duh khawp mai tiin Pu Man Mohan Singh a Sorkar hlima kan in kawmnaah khan trunk takin ka zawt a, a ni chuan, "E remna siamna tur atan chuan heng underground a an hotute hi India Sorkar nen a inrem ve tur a in rawn hruai luh a, helajah hian in lo zawm theih chuan chu chu tha kan ti a, hma hi lak chhonzawm zel ula tha kan ti a ni," tiin Prime Minister hian min hrih a, kan vawikhat in kawmnaah khan nang kan tawng te uan thu chang lo sela, a text tak a pawh zuk sawi ta ila, North East-ah chuan remna siam tura India Sorkar nen inbiakna a kawng rawn zawng tur hian nang lo hi chu beisei dang kan nei vak chuang lo a nia, a tih a kha vawihnih dang min hrih nghe nghe a, chuvangin theihtawp rawn ti rawh, a ti a. Keimah mai chuan hengah hian a mawi lo thei a, khithah 2.B-te in nei a. SIB Director ten heta an hotute nen tang hovin hengah hian hemi India Sorkar nen inbiakna tur a Underground Leader te in lokal anih pawhin keimahah tawp lsuh u, hemi te hnenah hian in report ula a taka zawmtu an nih avangin hei hi ti rawh u tiin anmahni hnenah pawh ka tir zel a, a rem chinah anmahni zawmna avangin Kolkatta - Delhi ah te hmundang dangah te pawh an in bia a, kha kha lo chhonzawm zel tur pawhin anmahni pawhin min rawn ngen zui zel a ni. Chuvangin hengte hi hel tur hrim hrim a silai nen a lo lut hi chu in lo luh phawt chuan kan ramah dan lo anga silai nen a in lokal anih chuan remna atan India Sorkar nena in inbiakna theihtawpin India Sorkarin a duh angin kan lo pui zel ang che u, Silai nena in lokal erawh chuan kan man zel ang che u, kan ti a. Tin, man pawh kan man

zel a. Tha kan ti lo em em a, ruling party Sorkar hotute chuan silai nena an lo lchet hian, midangin an aurin tur duhthusam ni thei a nih avangin a ruling party leh Sorkar kengtu tan chuan, kha kha kan hlauh ber leh kan duh loh ber a ni, tih chu mi pangngai chin chuan kan hre vekin ka ring a. Kan ramah law and Order chungchang thuah duhthu a sam hauh love. Mahse, kan thenawm ram te leh India ram te, khawvel suauna sang zel kan enna karah ralmuang taka hetia kan la leng thei te hi harsatna tam tak te karah hian kan la vannei khawp mai. Hei hi Pathian malsawmna kan la dawn a ni e, kan ti a. A buai zawng leh a harsa zawnga sawi dawn chuan, sawi tur chu a awm teuh mai. Chu chu a dik a ni. Mahse, chuti chung chuan, hetia mipuite ralmuang pangngaia kan la awm thei hi Law and Order-ah hi chuan engang pawhin sawi mah ila, duhthusam lo mahse, India ram leh thenawm ram te en chuan kan la vannei thlawt a ni tih hi chu a hriatin lawmna tham chu a awmin ka hria a ni, Governor in a rawn sawi hi a awm reng a ni, ka ti a ni.

Tin, a dawtah chuan, kan tam chungchang thuah hian. Ni e, tamna hi natural calamity lo thleng a ni a, hetiang meuh hi chu keini ang State kilkhawr rethei takin han sut chu, a hau tak zia chu. Natural calamity a lo thlen phei chuan, India Sorkar meuh pawh a harsain a buai a. Tsunami te, Cyclone lian a lo thlen te chuan, keini aia State lian leh harsa pawh an then ve tlawk tlawk mai a. Khawvela Sorkar ropui ber America meuh pawhin tih ngaihna hre lovin, an thlipui leh tui lianin a han nuai kha chuan an President meuh te pawh an mangang a ni tih kan hria a. Keini he State tereuhte naupang takin han sut hi, a hau tak takzet a, hemi lo inbuatsaih nan hian a (thought) pawh kan thought lawk ngun ve a, Gujarat lirnghing zawha Disaster Management Committee Prime Minister hova kan thut pawhin ka ti ngat a. Pu Sharad Pauer leh Pi Sonia Gandhi te pawh an tel vek a, Central Sorkar hmasaah khan. Ngawi rawh u, hei kan ramah mau a tam dawn a, mau kan ngah em em a. Hemi Process-na hi min enpui ula, Gujarat linghinga mipui mangang te hman theih tur hian bamboo process-na hi Sorkarin a tih theih a ni, tiin uluk takin thahnem ngai takin ka ti a. Prime Minister pawh khan chuta tan chuan bamboo mission-ah vaibelchhe sang tel a tam a dah ta a, mahse, Central Sorkar-ah tunge kengkawhtu tur, Nodal-ah an buai ta a. Kum 6 zet mai khan hman theih loh in kha pawisa kha a awm ta a. Chutah chuan bamboo hi grass nge tree tih an han en a, grass a ni e, an tih avangin Horticulture Nodal-ah an pe a. A kal thei si lova, Forest an pe baw k silova. Chu chuan kum 5 kum 6 a tibuai ta a. Hman loh in a awm a, tunhnaiah kan Prime Minister hian a rawn activate a, reilotea rawn kal leh chauh a ni. Chuvangin nichina kan member zahawm tak ten an sawi ang khan hemi kan bamboo liam tur uihawm lutuk an harvest theihna turin bamboo road min pe rawh u, tiin, fiamthu in hemi Gospel hi ka rawn hril leh dawn a nia, tikhawpin Delhi a vawi tam ka kal a, a tawpah chuan engemaw ti tiin Planning Commissin leh DONER Ministry kha kan hrilh thei hram a. Tichuan, min pe a, kan han lai tan a, mautam nen a rawn in nang ta a, an hnenah pawh kan an hla ber a ni e. Chuvangin in tlai lutuk a, engahnge a hma khan min pe ni ula chu, heng hi chu kan ti vel hman tur a ni a, hei hi nichina kan member ten an rawn sawi ang khan keini thiam loh a ni lova, kan sorkar tirh atanga kan aupui tawh, mahse Delhi-a kan hotuten kan hotu intawm te hrilhfiah an

har lutuk a, a tlai hnuah pawisa sanction min pe a, hei vang hi a ni e, tih kha ka'n sawi duh a.

Pu Speaker, keini pawh hi kan thin a ur khawp Delhi-ah kan ang nasa khawp a. Kan bamboo road leh BAFFACOS kha kan ngaih pawlh palh ang e. Kan bamboo road chu kawngpui siam tur chuan kum 2/3/- a siam mai theih a ni lova, chuvangin tuna kan tih hi a hau tak em em a. Tuna kan tih ah hian crores 60 min sanction a, hemi Tuirial atanga kal chu, chu chu a bamboo road pui ber lai chumi leh hemi Hortoki side a kal pheih tur a hi a ni. A danga hi chu BAFFACOS ah a danga hi chu kan phuahchawp a, ti mai ilang, khulamin minrawn tih pawh ni lova, BAFFACOS a ni. Kha kha mau chungchang thu leh a tamna-ah chuan a ni a.

Tin, Buhfai chungchang thua kan hriat ang khan a hmaa an chhut a kan dawn thin pangngaia kha thlakhata 43640 quintal APL bika kan dawn thin a kha, 2006-2007 khan vawi leh khata quintal 24460 ah min tih tlakhniam sak thut mai a. Quintal 68100 atangin 24460 ah min tih tlakhniam sak thut mai a. A tlakhniamna hi quintal 43640 a ni a, mautam kuma hetiangana kan quota min tlakhniam tir dawn chuan tih ngaihna a awm lo a ni tiin nasa takin kan Sorkarin kan sawi a, kei pawhin National Development Council Meetinga Chief Minister zawng zawng leh midang Central Minister pawimawh te awma Pu Sharad Pawar-a hnena tih tak zetin ka sawia ka han nawr ve a, heti chuan tih ngaihna a awmlo a nia, ka ti a. Tichuan ka sawi zawh ah nakinah lo kal la, a piah lamah hian sawi dun ila, khami kha chu kan pe ang che a ti a, ka bulah Manipur Chief Minister a thu a, lehlamah Meghalaya Chief Minister-in i vannei em kha, vawihnih khatah I hlawhtling min ti min ti a. Kan duh ve asin an ti a, tichuan room lehlamah min ko pheih a, engzat chiah maw in mamawh i tih kha ? a ti theih chuan a ni lo berah quintal 39000 thlatin chuan min pek belh sak a ngai a ni kan ti a. Tichuan chu tal chu a vawikhatna restore-na atan khan min han pe a. Amaherawhchu, tamna tak tak kha kan lo lut dawn ta a. Kha kha a tawh lo a ni tih kan hriat avangin quintal 50,000 dang a tlem berah pawh min pek belh leh rawh u, kan ti a. Tichuan nasa takin kan nawr a. Tichuan a Minister Pu Sharad Pawar-a khan APL rate pangngaiin ka pe theih tawh lo che u a, amaherawhchu, hei chu market rate pangngai mantoin kan pe mai ang che u an ti a. A mantoin min pe leh ta a. Tichuan kan APL leha kan market rate a kan lak leh dang nen tunah hian thlatin hian quintal nuai khat leh sang khat leh engzat chiah nge ka'n belhkhawm ta lova. Nuai khat leh sing khat leh sangruk leh zali vel, khami belhkhawm kha thlatin quintal in kan lo nei theih ta. Chu chuan tunah hian min phuhru chho ta a ni. Chuvangin helaiah chuan engatinge Mizoram Sorkar hi, engatinge in lak tlem ? engatinge in nawr that loh ? in ti a nih pawhin, ni e, duhthu kan sam lava, Amaherawhchu, kan thu a ni lo tlat a. Khuta kan pu te khu a thuneitu te an ni si a. Theihpatawpa kan nawr a, kan nawrchhuah hi heng hi a nih avangin kan duh thu la sam tawh lo mahse, hemi chin hi kanrawn thlen a ni e. Tatang chuan mipuiin kan mawh chinah kan tihtheih chinah kan tan nasatzia pawh min hriatpui kan ring a ni. Tin, chu lovah chuan, min han phalsak ngawt mah sela, arawn thiarchhohna kha a ngaih avangin FCI in heta minrawn thlen loh chuan a tih ngaihna a awm si lova. Chuvangin FCI kan nawr ta a, tunah pawh, a a failna tam

ber hi chu FCI in min rawn tihtheih loh hi a ni a. Beihpuiin kan bei a, tunah chuan an rawn ti thei ta a, Rail leh Motorin. Heta tanga kan mawh chin chu kan lo ti zar zar a ni e. A failna kha buhfai amount tam leh tlemah leh Mizoram rawn thlenah hian khulam hotute mawhphurhna a ni a. Amaherawhchu, theihtawpin kan nawr a. Heti chen hi a lo thleng a, kan lawm khawp mai. A piah lama kan tih tur chu kan lo um ve zel a, tihlai kha kan sawi tel duh a.

Tin, BAFFACOS kha chu nakinah chiang zawk te pawhin kan la sawi ang a. Tawite ka;n sawi duh chu BAFFACOS hi, buhfai leina tura target a ni lova. Tam lo thleng tura a facilitate-na, kan lo dona, facilitate na tur a ni. A buhfai leina tur chu kan Non-Plan pawisa atangin vawiiinah pawh a mamawh zat ang ang i hmang ang u kan ti a. Hmanni lawkah pawh, "hei vaibelchhe 8 chuang kan mamawh leh ta, an ti a, kan pe zel a ni. A pawisa lamah chuan kan neih ang chin chin Non-Plan pawisa atangin kan kalpui a ni. Amaherawhchu, BAFFACOS chu a tir atangin a lo thlen hma atangin kan lo do dan tur kha kawng chi hrang hrangin kan lo facilitate nan kan ti a ni a. Hetah pawh hian en ila, kum khatah hian an lak kha Agriculture-ah te pawh crore hnih te crore khat te khatiang te te kha a ni a. Khatiang te te kha a ni a, tlem erawh chu engemaw zat laklawh chuan buhfai leinan tlem hman kan nei a. A tam bera chu mipui inhlawhfak nan leh hemi kan buhfai kan thiarna tur kawngah te kawng tha kan siamna tur leh thildangah te kan hmang. Engpawh nise, Pu Speaker, ka sawi rei lutuk ang e, kha kha chu nakinah chiang zawk pawhin kan la sawi turah pawh ngai ila, vawiiinah hei Governor-in thusawina an neih hi a tlangpui thuin alawmawmin ka hria a. Chuvangin kan lawmthu te hi duhthusamin kan lawmna te kim thei lo mah sela, Ruling lam leh Opposition lamte pawh hian kan Governor thusawi hi lawmthu sawi tlang thei ila alawmawm khawp ang. Ka lawm e.

SPEAKER.

: Le, khi minute 3 tling mang lo a awm a. Tikhan kan sawi hona kan duh tawk ang a, tunah chuan Mover kan sawm ang a. Tikhan kan sawihona te han wind-up sela, a motion hi pass han dil nghal sela a tha ang e.

Tin, dar 1 (khat) hi a pelh palh pawn kan kaltlang mai dawn em ni ang ? A move pawh khan a move sei loh kha mawle. Motion neitu Pu A.B.Chakma i lo sawm ang.

PU A.B.CHAKMA

: Pu Speaker, ka lawm e. Kan Governor zahawm tak thusawi chungchangah Motion of Thanks ka rawn move sawi hona tha tak kan nei thei hi ka lawm hle mai a. House a kan Member zahawm tak te nen

hlim tak leh phur taka kan sawi ho that theih avangin ka lawm lehzual a ni. Pu Speaker, i ding lama thu te leh i vei lama thu zawng zawng te hian thil tha leh tum thuhmun kan sawi tlang thei pawh hi alawmawm ka tiin member ten lawmthu sawina tur kan hmu hnem em em mai te kha ropui ka ti a. Thahnem ngaihluat avanga thil

thenkhat khawilai emaw hetiang hi ni zawk se, a tha zawk ang em ? kan tih ang chi deuhte leh a tel kim lo lai deuhte kan sawichhuah kan neihte tih mai lo chu thukhat vuas a kan kaltlan theih avangin lawmawm ka ti takzet a ni. Chuvangin, a hranpa a wind-up angaiin ka hre lova, Pu Speaker, he kan Governor zahawm tak thusawi "Motion of thanks" ka rawn putluh hi he House zahawm tak hian lungrual taka min pass pui turin ka rawn sawm a ni e. Ka lawm e.

SPEAKER : Le, tikhan Motion neituin a 'Motion of Thanks' chu pass pui a rawn dil ta a. Pass remti apiangin 'Remti' ti rawh ule, remtilo kan awm em ? Remtilo kan awm lo a, chuvang chuan, kan Governor zahawm tak thusawi chungchanga 'Motion of Thanks' 'That the members of the Mizoram Legislative Assembly assembled in this session are deeply grateful to the Governor for the Address which he has been pleased to deliver to the Assmbly on 11.3.2008' tih Pu A.B.Chakma rawn moved chu House in lungrual takin a pass a ni.

PU A.B.CHAKMA : Pu Speaker, ka lawm e.

SPEAKER : Tikhan chawhma lama kan hna kan lo zo ta a. Kan chawl rih ang a, chawhnu Dar 2:00 P.M. ah kan thukhawm leh dawn nia.

List of Business angin kan kal ang a. Presentation of Budget a ni a. Vawiinni hi Budget pharh ni tura ruat reng a ni a. He House zahawm takah hian Budget pharh hi uluk takin Business dang la lovin kan lo ti thin a. Amaherawhchu, kan hriat theuh angin technical thil avangin niminah kan rorel kan zo thei loa, kan in hrethiam tlang a, chawhma lamah kan chhunzawm kha a ni a,

Tunah chuan Chief Minister zahawm tak Finance changtu ni bawk, Supplementary Demand for Grants for the year 2007-2008, Annual Budget for the year 2008-2009 te leh Supplementary Semand for Grants 2002-2003 leh 2003-2004 regularisation of excess expenditure te han pharh turin i lo sawm ang u.

BUDGET SPEECH : CHIEF MINISTER

SPEAKER : Tikhan Finance changtu Chief Minister zahawm takin Supplementary Demand for Grants 2007 and 2008 ami leh Annual Budget Estimate 2008-2009 chu he House zahawm tak ngaihtuah atan leh pawmpui turin a rawn pharh ta a. Kan dan 14(1) - na hian Budget zirna hun hi ni hnih tal Member ten nei turin min ti a. Chuvang chuan kan sawiho rih lo ang a, kar leh Thawhtan ni atang khian, General Discussion kan nei tan dawn a ni. Tunah Annual Budget leh Supplementary Demand for Grants leh a kaihnawih lehkhabu te chi hrang hrang an sawilan te kha han sem nisela a tha ang e.

Le, tikhan wawiin atana kan rorel chu kan lo zo ta rih a. Naktuk hi Chapchar Kut ni a ni a. kan thukhawm loving a. Kar leh Thawntanni March 17th Dar 10:30 A.M. ah kan thukhawm leh dawn nia.

Sitting is adjourned at 3:05 P.M.

...105/-